

萬載縣志

第三冊

萬載縣志卷二之一

營建

機塲 公路 橋渡 碉堡附論 公廨

今日而言營建莫大於設險夫設險國防事也凡山縣之近戰區者必應有險可防易云天險不可升地險山川邱陵天險之升一息千里所恃者地險而已淺儒寡識敢言國防哉年來耳目所見聞機塲公路中外注目始基已立需歲月以爲長久而縣人之營建則異於是曩見展拓街道矣粉飾舖面矣開闢馬路矣毋乃塗飾觀美與龍河有山有水距城亦近仍舊改作以爲縣立中學有何不可而必假文化事業之名據學宮爲中校修學宮與亦建



中校與費法幣一萬數千兩無一。是民國二十七年九月空襲中
兩彈死而學生而宮牆不毀豈非大幸乎哉民力拮据土木工作
慎勿輕言冬晴有暇敦勸村農挑濬塘堰使自爲之尙屬根本切
要之圖慎勿借權保甲而加之擾累也

飛機場位置小北門外之敞塘面積三百七十四畝爲協助勦匪
之用於民國二十二年十月十日建築完成二十七年六月抗戰
軍興奉令擴修時則稻穗初垂不能少延旬日芟刈青苗無暇再
計展長一千二百餘公尺面積七百餘畝九月擴修工竣

本縣境內公路有萬瀏萬宜上萬三段共長六萬六千零五十公
尺於民國二十二年修築完竣縣境大小站五繼以供支不敷畧

有裁并然行旅仍便民國二十五六年車如流水昕宵不絕意在
強國便民卽廢棄田土徵發壯夫挑選樹木當時或以爲苦謂壯
夫不裹糧有枵腹者樹木不予值有包送者廢棄田土等於圈置
以壯夫樹木爲正比例寧復望其給價乎賦稅未豁除良懦者賠
刁狡者玩徒多幾紙追呼矣此稿成於二十五年廢糧旋即豁除并注

古者設險以守國而其事莫急於城垣今不可恃且剷除之重巒
疊嶂則天然之營建也速交通者有過於公路乎便驅逐者有過
於飛機場乎防盜賊者有過於碉堡乎一時皆有之不得已而皆
無之無者將必復有而不必其速有也縣府移之武廟更移之文
廟矣力役之征與正賦並急陂堰井塘灌溉所資而亦不遑恤也

前乎此者塗飾觀美而不爲地方計久長毋乃爲其名而不爲其實也敢以質諸區實驗而鄉模範者矣

縣境自同治辛未戡定以後休兵息民者四十餘年光緒中葉萍之大安里潛伏蠢動警及株潭急起團練而大水源嶺東等處之囂聲一時少戢假立名號或云某山某水某堂分散票布根株未絕三十二年臬司秦秉直親臨巡察鎮懾解散標統劉槐森督兵駐株先後止戮數人而地方安靜去火抽薪迥異於養癰貽患國體變更如風掃葉封疆大員麾之卽去蓋得喪若斯之易也南北分張一變再變民七年施從濱統軍過境有運輸隊有帳棚有銅鍋軍容整肅由贛入湘一蹶不振十七年謝文炳師白湘來過駐

株數月黨軍攝之李明揚紀律嚴明一宿一飯雜於居民而耕市不驚時則新潮洶湧政見分歧縣城之主持農會工會者方且自名得意未幾而拆毀大姓打倒土豪劣紳之風隨後吹來非真豪也有土卽豪非真劣也爲紳卽劣其以爲先路之道者數十百人不等放火劫殺來必以夜白水潭埠等市先後被焚而三區適當其衝分起買槍協力抵禦縣城已一再陷落十八年麥將熟時株潭各團赴黃茅之急擊殺來者十數人株排長龍馬牙受槍而斃彼乃潛相煽誘乘虛而入路下湯林生突遭殘殺而人心太變各團亦勢成岌岌黃茅周德祥力抗之遠近之投機者蟻附而攻包圍三日夜彈盡反擊以殉縣城多槍不肯赴援卒亦不支數十百

里內幾無一乾淨土祠堂之匾額神龕粟玉燼鄉人之契券盡凡
遷徙之家有人守宅者逐之而分取其物至於穿牆掘地猶未肯
已其有男子逃而婦居守無夫而婦寡守皆逼令從人美其名曰
自由舍生全節者間亦有之地方官東奔西竄擇地而逃縣城已
陷落七次公署全燬其死事最烈者曰周德祥無辜被殺者龍德
馨龍賢福龍石金李簡青逃而回亦被殺者曰張官保逼歛而自
盡者曰龍賢庚皆所謂土豪劣紳之類起解反動家屬之被慘殺
者不知其幾也生殺之權操之鄉人威福自擅初甚甘之至於被
殺數人始覺其苦後乃多所逸出不咎既在許以自新是或解散
之一術歟吾聞某師經過后槎鄉民數千人持械抵抗開天槍一

排則皆反走不戮一人民十九年營長林震東戰死於東門外其
後易團振湘鍾旅光仁駐守城郊整眾而來被創以去既得縱隊
司令劉膺古駐城指揮補充團主任何平督率搜洗腥穢一空且
扼要之碉堡林立衝突維艱通衢大路始有行旅之往來而流亡
漸復街市荆棘田土蒿萊始克次第剷除六七年間瘡痍稍復而
城市迭遭空襲死傷白數十人天下大計非淺見寡聞所能推測
矣 橋渡應以大字標題因排印未便一律改爲小字此注

雙虹橋 縣學左元黃竹關建以祈嗣後生二子因名明成化間水圯知縣陳
璨重脩復圯宋一鳳九疇良彥修復清雍正五年宋族重甃石面豎石關東西
兩岸俱有碑記嘉慶年間增建橋亭 按嘉定志通濟浮橋在縣東九十步舊
志宋崇寧間知縣李存核學於通濟橋之東南則虹橋未建之先此處原有浮橋

章志云竹關設浮橋名雙虹以誤橋亭并店民國圯廢

隴河橋 縣治東北文昌閣下明正德間知縣張邦毅因築城建此未幾去任嘉靖元年知縣盧秉章歲其役俗稱新橋後圯譚鉞重建鉞子登龍重舉其頹萬曆四年水決登龍子孫燧嘉猷嘉謀復修并建亭三十七年猷子經濟重建後又圯四十四年經濟改三洞爲一復加高廣清嘉慶年間辛守身募邑衆捐貲繕修并欄杆易而新之至今完固

再思橋 治南五十步明洪武四年縣丞馮以禮建欲赴愬者至此自思邑紳彭澄重修

南浦橋 治南三百步元大德間建明洪武間文泰卿重修正德十二年圯宋珊女良貞有疾不字捐貲重構萬曆中水決辛圖猷復鼎建之崇禎九年猷子啟夏啟商啟周等重修清康熙五年猷孫瓊瑤偕好勤學等歷有修葺五十八年橋盡壞知縣程元度率猷後裔及邑人重建雍正十年楊垂遠郭康侯郭宗城郭永奠郭興兆辛三錫等募助欄楯道光十六年因歲久漸就傾圯劉名紱辛敷韶倡捐重修珊與圖猷後裔與焉

安樂橋 在義井龍祠前原係木橋乾隆四十年辛衢捐建石梁長九丈有奇高五尺廣六尺道光十五年劉名紱辛基塋合金百餘斤修二十二年後兩人復捐葺二次 廣惠橋 邑南百二十步今廢

廻瀾橋 在學宮前百餘步以筆架廻瀾名康熙間田下郭興兆倡建後圯嘉慶二十年郭孟臚子孫重建長十丈百奇廣八尺道光七年疏改河道水繞西岸筆架孟臚子孫復就西岸添建三梁四墩填東岸三廂爲平地

烏溪橋 邑東南里許明成化四年施玉溫建崇禎十一年辛明鑑重建 清乾隆後水壞梁折玉溫裔迭次修整

龍江橋 邑東北龍河渡乾隆十六年辛粹捐建易舟爲石橋未成而卒子衢踵其後爲管五廣三尊修三十四丈有奇高十餘丈五戒告成孫尙勤復修兩旁石闌四十五年冬歲事有龍江橋圖卷題咏甚多今俗稱鵬程橋衢字也

康樂橋 邑東北十里丁田元至正七年僧片雲募龍駒建以康樂侯靈運名學士歐陽元書頌明萬曆初郡守鄭惇典檄修易名毓英章志作毓秀四十六年知縣姚繼舜率邑人砥石爲墩架長材構樓其上置官田爲修葺費辛敏道

於橋左爲大士祠并祀姚侯崇禎八年章令明傑易置田於近地十七年橋燬
墩存易舟以渡清雍正五年高愈謙龍言各捐金五百爲倡首事郭邦藩汪廷
獻張士魁敖有義汪朝祖李之華高岱袁寬鄧際可郭洽模辛汝勤李泮發胥
衰鮑瑄郭興兆辛發遠郭朝選胥又能裝聖輝汪之圖劉光緒江繼明劉其端
易瓊敖遠也張崇德張雲及唐裕猷汪都宅楊言郭世德郭鍾秀汪鯤業文顯
周志尙周覺後汪元輔各捐金有差撤舊重修長三十丈濶二丈二尺高四丈
五尺四墩兩岸五洞石關石獅至九年告竣原祠卽觀音庵已頽復之別建康
樂祠仍以姚侯祀並創橋龍廟焉道光三十年橋樞腐缺首事後人捐資補修
同治八年水冲南岸復出資修理 附橋產丁田早田三百八十把二十匠知
縣章明傑置 浴塘橋早田一百九十把十匠修橋餘銀并易賣白水羅教田
置 東嶺早田二十把一匠周覺後助契存高愈謙豬婆岩遲田一百四十五
把二十七匠郭朝選助 興江劉家冲早田一百二十五把五匠與橋會置
祠後山一嶂 沿塘橋莊屋及各處花土六片 丁田河北橋上嶺背山一嶂
并塌土咸豐六年陸守成砍樹賠抵

舊按田舊在六區姚侯置後因地遠章侯倍價易置近處計五百把康熙十三
年燹荒有韓禮四者奉文墾熟將三百八十把輟轉賣與幸廷道而自匿一百
二十把雍正五年修橋清查禮四之孫暉吉蔽其所匿首控廷眩子凌河兄弟
隱佔控府批查知縣汪元米委首事查實凌河兄弟以田雖父手價買造橋乃
善事願立契歸公於是暉吉亦以南車上早田一百二十把立約退出契約俱
存高愈謙雍正十年概付僧管以資修其道光時住僧典當田土橋朽不修歲
庚戌劉式毅汪念周楊式曾劉漁竹等以橋係先人倡建乃邀首事子孫稟縣
逐僧將田產擇首經理雇工守橋捐立興橋會徹底清贖久被水冲成洲橋會
有册參舊志

櫛樹江橋 一名荆樹橋邑南三里雍正三年辛璋辛萃兄弟建三墩二管石
梁

龍江浮橋 舊在龍河渡明洪武間僧文隱募建爲船十二知縣汪悠人李燦
邑人楊孟明歷爲修補今廢其楊孟明楊維鏞劉景昭龍泉等所助贍渡田及
汪朝祖辛汝勤汪發楫王都會鮑瑄劉其燁等三元會原助贍渡田一入龍河

書院一入吳公講堂

兩河山橋 邑南三里王益貞僧一心募建康熙間陳嘉治倡捐重造乾隆間辛錦斐捐貲復修自後至同治俱王憲朝子孫重修有碑

永齡橋 邑南五里明嘉靖間周節婦子元龍建闢地名

募真橋 邑南十里羅溪明隆慶時郭存性倡建石刻存

客人路橋 邑南十里楓樹窩下乾隆間眾姓捐建石梁三墩兩岸廣八尺長十丈高一丈二尺

石前橋 邑南十二里牛鼻洞前嘉慶十四年眾姓建石梁三墩兩岸廣丈長十二丈高丈二尺有碑

銀河橋 邑南十五里三都二崙銀山村乾隆年間王姓眾建兩岸一管費金二百有奇至今俱王姓修葺有碑

竹渡浮橋 邑西十五里明洪武時僧文隱募建爲船九後朽楊孟明更設今並廢

竹渡石橋 距浮橋半里元大德間徐信建明成化六年引處恭袁大邦和洪

等重价今廢

竹渡新石橋 在廢橋下十丈乾隆二十八年間儀辛金壽合建爲五管六墩長三十二丈廣二丈二尺

雙虹石橋 竹渡聞信三信六創嘉言踵建後裔叠修歲寒橋邑西二十里

竹潭橋 邑西二十里高城明嘉靖間宋一元妻鄧氏建崇禎五年邑令章捐修後廢清康熙中宋希商僧固繼募葺雍正五年西岸圯陳能宏固繼徒孫止

岸募修二墩十年汪廷獻高愈謙郭邦藩陳能宏等更募東岸兩墩乾隆二十六年眾募重修四十二年周勝繼妻張氏助修闌干

永興橋 高城下院雍正中陳能宏王元有周又善募建

永鎮橋 高城古羅灣原有木橋名永遠立橋會道光十七年會眾倡首募捐改建石橋易今名

昌橋 邑西二十里乾隆十八年間成忠建

矮坡橋 邑西二十里乾隆二十三年宋獻建

百子橋 邑西二十里上峯冲籃棚下道光三年師與周繼坤周富孫周啟

宗等倡捐募修

萬興橋 在上峯冲原谷五峯雍正中周又善韓鵬章王元有王文發募建嘉慶丙寅陳常鮑啟倫郭爾元龍德楊倡修

石峽橋 邑西南二十里谷源明宏治十五年楊奇永捐建萬曆四年圮楊思試重修

福壽橋 邑西谷源下毀道光十七年張乃猷建

高橋 邑西南二十五里墩西高一丈有奇長六丈眾姓募建道光二十四年梁折辛成善等募修同治八年圮張劉施陳等姓募捐修整

永安橋 有二俱在邑西三十里禮山一係明成化間知縣陳燦諭里人合力重修一係嘉慶五年石塘龍池升捐建

鴨婆橋 禮山桐子樹下嘉慶十七年許瑞之母土氏建

石花橋 邑西三十里官莊孫持同妻鄧氏建

昌田橋 邑西三十里宋建參問楊秀淑建明永樂中道人林無碍景泰中陳紀政相繼重修

石虎橋 邑西三十里王江建明正統間郭殷器重建

柴田福壽橋 邑西三十里雍正十年郭鍾秀募建乾隆間辛汝岐重建嘉慶九年辛錦斐辛維遷龍敏勳周天沛易奠等劉經成等倡捐徙建距舊址十餘丈甃石爲之計長十丈廣一丈六尺高一丈八尺

鈴溪江口橋 邑西三十五里鈴田乾隆三十年圮朱姓敬業鳳儀御宣際熙等重建

紹江橋 邑西三十五里元大德間徐信建

藍田橋 邑西四十五里元時敖玉溪建

藍田長水橋 乾隆間募建

萬古橋 邑西北山巷口周節婦張氏建

羅漢橋 邑北八里石普庵前乾隆三十年辛金蔚妻王氏重修高二丈八尺長二丈廣一丈

石亭橋 邑北十里王家墩水口王事建嘉慶中事後裔重修高一丈三尺半長三丈五尺廣八尺五寸

回龍橋 邑南十五里洞口眾姓捐建
興江街頭石橋 高含祖起河等倡建
塗口石橋 邑東北十二里

石岐石橋 邑東北十五里
汪公橋 邑西六十里原名下停明正德間石塘龍大智建嘉靖間子昇通重建清康熙三十五年辛受中龍運開林榮登倡捐重砌石墩架長材雍正十年水毀知縣汪元采屬巡檢馬照遠貢生辛金鑑等募建石橋易今名

沙江橋 邑西六十里明成化間道人蕭覺賢募孫秉琦羅成文高永政等捐修浩維正初池下丁姓重修

因果橋 邑西六十里原名烟火肇於宋建炎間後興廢莫考雍正元年白水歐陽功吉濠田丁燕及翟汝玉倡建乾隆間水圯功吉孫鶴等迭捐募修

福成橋 邑西七十里滑石江道光某年眾姓建修
靈橋 邑西六十五里大嶺下兩墩兩岸三管汪魁選龍員開等合鄉募建
朱溪橋 邑西七十里株樹潭嘉慶四年李錦嵩陳春魁等倡捐募建長十五

丈廣丈五尺

萬春橋 儲樹潭下街原有木橋屢圯道光元年募建石橋兩墩三管

萬福橋 有二一楹樹潭上街原木橋圯乾隆四十三年募改石橋一邑西九

十里黃茅南北岸嘉慶三年合鄉募建

蕙安橋 黃茅北岸嘉慶六年募建

丁家橋 邑西八十里源頭劉大瞳倡建

小坡橋 邑西八十里石塘乾隆四十九年龍郁遠妻施氏重修

螺絲橋 石塘自明以來皆砌墩架木乾隆元年龍仁山祠易用石上豎亭自後歷有修葺清季大水橋均毀嗣喬賢成修復有碑記賢成常修橋路與工人共生活他處修補之事尚多羅絲庵左近新石橋亦係獨立

布福橋 邑西八十里車陂頭下步子背募建兩岸兩管一墩

仙居橋 邑西九十里相傳羅仙寓此乾隆二十六年湯安猷龍禧等十二人

捐貲重建有碑記

福壽橋 邑西九十里原名和尚火圯乾隆十五年八十老人周敬叔捐金五

百易建石橋因更名

鄧家門首橋 邑西鄧姓倡合鄉建

黃江橋 邑西九十里唐家天乾隆中辛閏東建

周岐橋 邑西九十里康熙五十四年鄉耆募建乾隆二十七年四十九年兩次重修陳春魁張自遠周盡美等二十人捐貲置田爲持久計

白石橋 縣西八十里原有木橋民國初收石係郭貴端一力成之

高橋 縣西八十五里石石頭零江橋鮑氏合族於民國十五年就木橋改建有橋會按橋會到處有之爲歲修之用善維持者且能以其資兼爲慈善之事年來因有提取公款公產添辦學校之文不復體會上意如此慈善事業亦因而取之以圖苟得聞有言者率用官力壓制持槍威嚇誠恐非上意也謹注

安懷橋 邑西株木橋地方光緒二十年夏言欲修石梁一墩二管 以上三

橋新輯

昌江橋 邑西六十里元延祐間敖玉溪建

龍田橋 敖玉溪建

楓林橋 邑西六十里楓林頭道光三年鮑善美妻汪建

潭埠獅子橋 邑西六十里元大德間羅仲遠募建後廢易渡清康熙中楊孟明捐貲贖渡五十年鄒吉士陽祚齡等募砌六墩兩岸翟汝玉倡捐成之長三尋廣丈五增高五尺樹闌干復募魚鱗灘山一窩兩嶂種杉備料乾隆戊寅橋壞鮑啟仁等捐募重其道光甲辰水復地會首唐鴻飛等修砌復舊以橋有石獅因名按縣無姓陽者恐係歐陽之誤

新獅子橋 在魚鱗灘上三墩四管道光十七年馮立經鮑高庭等募建

古潭橋 潭埠船埠頭古橋久廢道光戊戌鮑模且歐陽藝吳祥澤等倡捐重建四管五墩長二十丈廣丈九高二丈六

長興橋 有二一邑西五十里柏樹街道光辛丑宋定彝高化鵬黃金印黃超亮張偉吳和澤鮑正命等倡建四墩五管台閣續釀貲立茶亭一邑西五十五里神仙坳潭口同治七年眾建二墩三管

花橋 邑西七十里明崇禎間地僧圓空募辛振奎郭禹象建清道光辛丑復地監生辛樹麟捐金六百餘重修

陽澄橋 邑西八十里白水明嘉靖時歐陽澄建清康熙十三年六十年連次
傾圮俱歐陽氏捐修嘉慶六年歐陽泰重加修造長十丈廣二丈高丈餘
下南江橋 邑西白水村衆建

文義橋 白水清乾隆庚子文義堂建四墩長十五丈

永福橋 邑西前山背一墩兩管黃漢興漢月中州劉有仲四人捐建

南溪橋 白水西坑明正德中建清嘉慶二十二年水圯歐陽賜麟妻楊氏捐
貲重建

懶袒橋 白水明正統十七年伍道元建清嘉慶戊寅水圯鄉市募建長四丈
廣丈五尺

羅家橋 白水明初建有石橋歲久垂傾清嘉慶四年歐陽韶梁等募修廣丈
有奇長三丈

南山橋 邑西礫下水口清道光乙未監生陳錦絳芳蓮倡捐重建

羅漢橋 邑西龍背上水口二墩三管清乾隆四十五年衆建

里盤橋 邑西一白里明成化間吳孟舟重建

水節橋 邑西北四十里龍田蘭家門首

樂平橋 邑西箬坪下水口陳姓七甲九甲捐建

萬古橋 邑西北五十里鏡山衆姓募建

三元橋 有二一邑西北五十里郭山張周萬信建一六十里西江嘉慶十二
年柳姓倡募建

眾星橋 邑西北七十里槽頭合鄉募建

復興橋 邑西白楊寺前道光四年圯張處恭子孫重建

興隆橋 潭埠市後興隆庵右雍正六年曾鼎蘭謝文星等募建道光元年張
毓偉等將橋會田出售得銀千餘兩改建石橋長十八丈廣一丈六尺

化龍橋 邑西六十里濠田墩同治八年汪應輝建兩墩三管屬三區

藍田橋 槽頭石馬嶺嘉慶五年藍正茂正興捐建長四丈廣一丈高六尺

廣義橋 邑西北八十里書堂楊柳仲嘉慶二十三年水圯道光元年楊作琳
喜琳捐建

鶴亭橋 邑西七十里上桑寮乾隆五十四年邱鶴亭捐建長五丈廣一丈

玉成橋 邑西桑寮咸豐二年韓金森建

福全橋 邑西龍田中確同治八年劉學朋梁清麟楊元達倡修

萬盛橋 邑西九十里白水老山下乾隆四年傅天盛建道光三年天盛孫起

賜重修

永古橋 邑西七十里株木橋穿溪中墩道光十年監生劉伯謨李懋芳二人

合建一墩二管廣四尺八寸長五丈六尺

萬年橋 邑西七十里袁家墩沿上乾隆三十一年夏師昌母節婦謝氏偕男

捐建

萬春橋 邑西七十里株木橋水口坊前社咸豐元年劉伯和李懋芳韓挺榮

曾厚德吳月桂等十四人捐修一墩二管廣三尺六長三丈四尺

東江橋 邑北七十里東江道光九年眾建置田三百把

啟興橋 邑北六十五里中堡同治九年李佩環捐建

下堡橋 邑北五十五里劉芳財捐建

牟村橋 邑西四十里元大德開教玉溪建明萬歷開宋良彥重修未竟崇禎

四年知縣章捐俸督鍾孟七僧圓空等募修清康熙十三年地二十四年辛澗
生僧發元等重募興修雍正八年營繕有加歲久復傾乾隆丙子辛金壽偕姪
家松改建石橋五管六墩垂成而地卒歲其功道光元年家松子孫秉文等重
葺

秀峯橋 邑西四十五里西江水口柳姓建已廢

福善橋 邑北四十里虎溪嘉慶丁丑鄉眾募修墩與闕

花塘橋 邑北二十里舊橋傾乾隆十九年劉鈺韓琳瑞等倡捐重建嘉慶十

一年水壞其墩管鄧嘉材韓長春等倡修

萬歲橋 邑北十五里雲峯嶺元至正間建明萬歷圯張麟重修復圯清康熙

五十年郭鍾成張登魁李之華募修石梁雍正九年岸墩壞了田橋化首初復

之嘉慶二十二年水決首事郭錦園朱泉雲張惠榮張明春韓斯來等募眾移

建距舊址二十丈捐數詳藝文記

范塘富春橋 明嘉靖間孫鳳孫鳳建

福善石橋 邑北三十五里明在一墩兩洞咸豐元年募捐興修監生周其誥

續捐告竣

平樂橋 邑北二十里肯安里明天順中知縣李富重修

白良橋 敖希仁建兩岸二墩樓屋三間二十四楹

下睦橋 邑北二十里高田雍正九年張元也辛發蓮募建乾隆三十二年水

毀何復初喻聯及募修嘉慶二年復毀復初子和彥濟彥首捐橋料喻姓募眾

蕙功兼修兩岸

店前潯陽橋 邑西北三十里乾隆間辛金壽建

毓秀橋 邑北二十里白良原名烟包知縣施更今名創自元季至明圯李寶

琢敖鳳邱等修復清康熙中明覺院僧募袁秀也敖宗玉李周士等重修雍正

十年敖宜也袁克模李榮春袁繼安黃鳳友與眾釀穀生息建亭嘉慶六年袁

李黃三姓募道光元年水壞袁振藻廷麟李承昉等倡修

江渡橋 邑北四十里黃田辛時宜建

雲峯橋

龍江橋

昌溪橋

榜山橋

平安橋

平田橋

平山橋

普安橋 章志作普安

高原橋 九九橋皆敖玉溪建

錦江橋 白良敖玉溪及子百川建長八丈五尺

元善橋 邑北鳳嶺裏下首監生張源霖建

濟川橋 二十都四畝窰下貢生張新楫建

永福橋 邑北謝陂道光癸卯易姓合族捐建一墩兩洞長二丈六尺廣六尺

虎塘石橋 邑北四十里乾隆四十年辛衢建三墩二管長二丈餘

楊桐江永鎮橋 邑北五十里菱蕪上街雍正間黃堂蘭等倡建道光某年合

鄉重修一墩兩洞

荳慶石橋 邑北菱蕪州同張澄兄弟承母命建陳文衡記

西江橋 菱蕪水口下敖玉溪義女福貞建乾隆間地彭英拔捐修嘉慶七年

復捐金千餘改建石橋高二丈長四丈九尺廣丈三尺護以圍楯

登雲橋 彭澄建

青溪石山橋 邑東北三十里李泰洵建

青溪石橋 柏樹石橋俱李繼功子孫捐建

慈谿橋 邑東北三十五里漳源朱明達建

慈溪六百橋 李宗漢妻楊氏建

枳頭橋 邑東北三十五里岐山辛觀宿建鄉眾重修

豐稔橋 岐山合鄉募建

兩江橋 邑東北四十里小水彭本鑿建

小水橋 彭姓眾建上有亭

藍塘石橋 小水明正德丙子彭本爵建

神仙橋 邑東北四十里長園墩眾姓募建

同鳳橋 邑東北四十里宋家壩乾隆丙午年募建

杭橋 邑東北四十里游姓眾捐建上有亭

株樹石橋 杭橋游德圃眾建有亭

潭頭橋 邑東北五十里湖溪李耀芳建

鐘溪橋 雍正五年湖溪李姓捐建嘉慶間重修并建亭

油江橋 邑東北五十里觀上盧大土建

踏青橋 邑東北五十里烏泥塘觀上盧姓眾建

利濟橋 烏泥塘石灰山下明崇禎六年盧紹登建清嘉慶丙寅盧姓募化重

修

蓮溪橋 邑東北五十里蓮亭教鑿建乾隆時合區重修長二十六丈二尺廣

丈六尺旁綴闌干道光丁酉年合區紳耆等倡募重建置有田產

鄔家嘴石橋 李敬道倡修

南園橋 眾建道光丁酉濱江喻李二族暨胡姓修

白沙橋 邑北三十里李以正建

吉慶橋 邑北三十里李姓眾建

通衢橋 邑北六十里米嶺下乾隆四十五年饒開運建

翰林橋 邑北六十里岐源楊姓眾建有亭

婆婆橋 岐源廩生李珪妻龍氏李喬遷妻鄭氏建

靈公橋 邑北六十里岐源同治六年楊靈山子孫捐建一墩兩洞長六丈高一丈五尺許廣五尺

萬福橋 邑北六十里六區岐源嘉慶乙亥楊馨宗建捐出四百餘把後屢修屢圯仍病涉馨子受益於同治癸亥年擇距橋上二里許地另建仍名萬福五墩四管長十六丈有奇高二丈六尺八寸廣八尺橋未竣益發益子雲吉續成之於同治己巳年十月告竣費金萬有奇有記

橋頭橋 邑北三十里李以正建

嶺下橋 邑北六十里岐源嘉慶間楊姓捐建一墩兩洞長五丈有奇高丈六尺廣五尺同治七年楊姓重修置有善後業

中興橋 邑北七十五里同治九年李眞實李受米彭洪文鍾菊芳倡建

新田橋 藏溪新洲上

青雲橋 邑北六十里藏溪喻姓眾建

竹竿橋 岐源嘉慶己卯楊馨宗建

春齡橋 邑北七十里高村饒開運建

七政橋 邑北高村張向明建

魚甯橋 邑北高村例貢生王瑞捐建

源遠橋 邑北高村王公遠捐建

餘慶橋 邑北七十里小源潘王元勝捐建

新命橋 邑北八十里富山例貢王光新 詔職王光命捐建三墩四洞高二丈三尺長十八丈二尺旁立闌干費萬金有餘

接渡橋 邑北九十里張田節婦王廖氏捐建

連渡橋 邑北九十里嚴田照生王重南捐建

永福橋 邑西北一百里高嶺水口柞樹潭紳民眾建

萬昌橋 邑北一百里嚴田王贊建

南山橋 有二一岐源合鄉建一邑北七十里高村潘貴麟兄弟五人同建長

二十四丈高二丈六濶一丈五兩岸三墩四洞旁鑿石闌後裔文彪等置田爲

修葺費

崇源橋 邑北一百里湖竹坪水口監生王家程捐建

崇源橋 邑北一百里湖竹坪水口監生王家程捐建

善術橋 邑北百里周家源廟前魏善德捐建

胥家橋 邑北百里周家源生員王金榮魏其祥重建

萬年橋 邑北周家源水口王公遂建後裔如縉重修

康吉橋 邑北百里井頭職員許廷恭捐建

壽齡橋 邑北百里大坳許開元妻魏氏建

流長橋 邑北九十里泥塢監生王如建

長生橋 邑北一百里長槽井頭彭應選兄弟捐建長一丈四廣丈二

長槽橋 原名萬年乾隆戊戌袁姓建後祀嘉慶乙亥彭英悅父朝紳遺命

捐貲重修長六丈六尺廣丈五為墩四

三品院橋 邑北七十五里 諳職背增器建長十一丈六尺高一丈六尺兩

岸三墩四洞費金四千二百餘

觀音橋 邑北百一十里船埠潭宋清化元年十二月易霖翁湯文學重修見

橋旁石崖鐫字

關鹽山橋 邑北百二十里明嘉靖十七年新昌七都齋人邱廣芳倡建旁崖

石刻猶存

林家磨渡 龍河門外二里舊船朽壞乾隆四十六年劉商募捐重建南田王

泰本里劉景賜汪掄升偕因心堂名助贍渡田一百把

龍河渡 邑北二里後辛氏建石橋渡遂廢

穩渡 邑北三里宋家倉元至正間宋春伯建今廢

水北渡 邑北五里南山

吹琴渡 邑北十里

竹渡 邑西十里楊孟明建今廢嘉定志昔謝仙過此以竹為渡後因各村

高城渡 邑西二十里

蘇家渡 邑西二十里南窰有贍渡田

晏公渡 邑西三十里官莊旁有晏公廟鄉人置田贍渡

長興渡 邑西三十里善石下置有贍渡田

水興渡 邑西三十里深塘有贍渡田

李家渡 邑西三十五里車上明萬歷間李先果建有田

水南渡 邑西四十五里水南吳道建置有田

晏公廟渡 邑西五十里浩石嘉慶十年高吳易黃江曾等姓建有田

冷地前渡 邑西五十五里今廢

呼田渡 邑東北五里棧下呼田兩墩眾人合建置有田

丁田渡 邑東北十里石橋建後廢

大江渡 邑東北十五里興江高伊介高積謙等倡建置有田二千餘把

小江渡 同上

小江西渡 邑東北十五里

李家渡 邑東北二十里

澄渡 邑東北二十五里

沙潭渡 邑東北二十五里

劉河渡 邑東北三十里鄉人募建

張家山渡 邑東北五十里盧姓眾建

盧洲上渡 邑東北五十里盧家洲盧姓眾建置有田

盧洲下渡 名胡仙渡盧姓二十人建兼置塘渡田有田

赤江渡 邑東北五十五里南園今改建橋

英山渡 邑東北七里道光末年立

義渡 邑北六十里岐源萬福亭南咸豐十一年職員楊黃雲等募建置有善

後田七十把今增置三十把

石楊渡 邑北七十里中高村以石屏楊洲夾岸名乾隆間李士興辛惠安盧

云蓮僧雙智募建置田以善後

黎高渡 邑西北一百里船埠潭以黎源高嶺夾岸名雍正間鄉眾募建置有

田

齊嶽橋 在白良市中設白良眾姓建七石墩長十丈濶一丈先是架以直樹

嘉慶二十二年鄉宦袁廷鰲倡捐續修架以橫板厚四寸每歲添新換舊置有

田租八十石白良市店房三所設立首士二人輪管至今人免稅葉之賦

梅石橋 梅溪禾田李姓與眾姓建

瀦河橋 四區龍田謝必能裔重修

橋渡爲慈善事業渡易而橋難募修者多獨力或數百金及一二千金近則數百元或一二千元已屬不可多得馳程橋三世始成有辛侍郎泐祭酒題詠足以不朽如歧源之萬福橋嘉慶年間楊馨宗建屢修屢圯馨子受益擇地橋二里地改建工未竣而歿其子雲吉續成之富山新命橋王光新光命建均費萬金三品院橋胥增器建費四千餘金咸同而後捐例太開萬金以上可得大八成知縣計時選補實缺卽四千金以上亦可得試用知縣曾不以此易彼足見先民之樸厚而少出位之思也道光年間湯爲恭捐建府城者棚雨亭代有修葺今不復矣柳文藻修文昌閣費七千餘元付諸一炬并誌於此冀以不灰後來好義之心云耳

民國二十年以後政府利用碉堡政策全縣碉堡共築二百二十九座防護嚴密匪類肅清

團練與保甲相爲表裏謂團練起於保甲可也謂保甲卽團練不可也咸同兵興曾文正國藩爲團練大臣胡文忠林翼帥黎平練勇赴武昌以次削平大難競稱曾胡雖均起團練率皆營制保甲居民有田宅室家之累不能遠征然藉以詰奸慝清窩藏散勾串認真行之必當有效若僅僅填寫戶口搜索困窮以是爲粉飾太平之具乎晚近之設保甲者大率捏造戶口空文塞責實行稽察奸宄不容者百無一二焉今則有區長有聯保有保甲長率有薪資然不能保其不多取不妄取也卽幸而無此四二一比之捐不免以意爲輕重呼吸不靈派槍索取飢傾食米寒撤睡衾言之寒心聞之酸鼻而所云詰奸慝清窩藏散勾串視若無事而居其上者亦置若罔聞也百里內外殺人越貨無日無之責其何以致此

曰某處非持槍不可行某處非多槍不敢入則非團練不可也保甲不得力而委之團練團練不得力而委之正兵兵來匪去兵去匪來深山窮谷藏垢納污其勢未能以遽淨保甲安所用徒蠹財擾民而已天下多故有曾國藩胡林翼其人者乎高瞻遠矚聯保甲以集團練之力出團練以爲節制之師上勵廉恥下安耕鑿生聚教訓吳其爲沼烏用是紛紛者爲耶

礪堡所以守胡林翼屢言之自槍枝日利第責強壯之民持刀矛以駐其內有委而去之者矣然則礪堡不可用乎縣境之患多中於西北而黃茅株潭實居上游民十七八年間外患浸淫而入團練之力足以抗之而組織遍於鄉村團練遂成孤立聞合圍黃茅者至兩三萬人皆地方隨時加入其時若得礪堡爲輔助互相聯絡攻彼而此應攻此而彼應守之旬日當必有起而救援者黃茅方陷之日文家市駐軍中途而返竊不解城廂槍枝何以觀望不前也先是十八年縣中會議將各區槍兵由縣府統籌給養以調劑一隅之困難旣乃紛紛調遣削自衛能力上游淪陷城廂亦危不知其時官紳何以見不及此如此害不相救縱有礪堡禦侮無方今日礪堡林立矣無人駐守突遭燒燬今秋談統籌者又師熊世鳳之故智以調停緩急爲名取鄉民守礪之槍勒歸公有美其名曰借終恐火假不歸前車未遠來軫方道願當局有以善其後毋令瞞瞞疾視敢怒而不敢言也團保及礪堡稿并以上各論專指

十八九年縣西鄉里防範自礪堡告竣民間槍械俱成活着故各論編入礪堡前後非自亂其例也 株潭原作楮樹潭近來郵遞概作株潭并注

上諭亭在縣治大北門內東向房屋二棟雍正九年知縣嚴在昌就吳公講堂改建

吳公講堂舊在康樂坊康熙十七年建乾隆三十一年巢起崙鄧鏞郭至剛辛衢辛樹檜等呈請改建學宮後文昌閣右堂屋二進房八間後廳祀吳王周圍磚石有記時浮橋會劉益蕃王都會等及王錫侯辛汝歧辛受載受錦各助有香火田巡撫吳紹詩自肅嫡孫捐廉貳百兩置田後十餘年首事辛衢等將歷年租息添建東邊學舍三棟倒廳一間上下廳各六榻兩廊石門及槽門頭門

東邊輔屋七間四面繞以石墻首事張承臯王錫卿辛映奎王弼辛樹鱣等歷有添產計田叁千伍百貳拾貳把半歲入租錢香燈祭費外悉給本籍鄉會試資斧每歲十二月初二致祭

附載大橋徐家洲田肆百陸拾把浮橋會助 禾坑龍坑遲田貳百把王錫侯助

石板墩管仔冲早遲壹百把辛汝歧助 黃村小浦案山冲遲田壹百叁拾

把辛受載助 新橋關外壹百柒拾把辛受錦助 烏溪關內肆百把吳中丞

銀置 四都早遲肆百把厥塘壹百叁拾把首事張承臯置 厥塘李樹下壹百

把武家坊叁百捌拾柒把牛武家坊蕪塘上陸拾把首事王錫卿置 丁田新塘

窩肆百壹拾把大橋南岳山水冲暗冲壹百玖拾把大橋徐家洲貳拾把辛紹岳

丁田莊房一間首事辛映奎置 龍田張家坊叁百陸拾伍把武家坊石坑窩虎

形窩口山上一塊首事王弼辛樹鱣置

清制知縣職卑而體尊事煩而責重循良之吏當官無赫赫之名而去後民思久而常在桐城朱司農望江魏信陵漢唐及今明德千載後有作者弗可及矣吳公當大亂粗平之日殘劫之遺黎瘡痍未起汗萊之田畝墾闢無人四野蕭條孤城寂寞觀其爲民請命之詞一字一淚二百六七十年流風遠矣萬載之民親之敬之從而思慕之民國二十三四年間禍亂之後民物殷繁田廬無恙以視康熙十三四五年榮悴何如難易何如善可爲也廉可爲也切實推行無往不利吳公在前親之敬之從而效法之不必其遂同吳公也吳公之後有講堂者不一其官不必其自同吳公也縣志非一家之書直道乃三代之遺褒貶之地是非之公無能諛辭亦罔敢曲筆學爲吳公者無時不可爲吳公亦無地不可爲吳公不吳公而萬載矣然而萬載止有吳公矣八月日記

縣署唐以前建修無考武德五年復置陽樂徙治龍山下卽今所揚吳順義元年立萬載縣仍舊治宋建炎中五道兵火寄治於州紹興五年知縣事徐昇重建嘉泰中知縣事王僎踵修更創手詔寬恤二亭春風堂可愛閣毋自欺齋小山亭愛直亭元初易治東北四十步至正壬辰燬明太祖甲辰知縣趙中復移建舊所儀門吏舍悉如制明年豎譙樓築露臺立戒石申明旌善亭成化三年知縣陳璨起靜觀亭十一年葺大堂退思所寅賓館龍亭庫立譙樓刻漏勒箴於戒石亭正德末知縣張邦穀建大堂後堂清畏堂

東西書房嘉靖間知縣陳村增修譙樓劉綬重修戒石亭堂右建
幕廳左爲架閣庫儀門西爲后土祠東西榜亭石塘耆民龍昇通
捐修獄禁廳房鑿井一萬厯初知縣陳王庭構正人軒崇禎三年
韋明傑構有斐軒六年改榜亭爲前縣畢懋良生祠

清康熙五年知縣范廷鳳建大堂東西廡及後堂儀門大門甲寅
燬大堂存十九年知縣常維楨重建東西各所三十八年何錫命
改東廡爲東庫重建二堂三堂儀門譙樓東西書館雍正二年施
昭庭重修譙樓曰鳴和後樓曰翺飛改西廡貯常平倉穀三年程
元度建站亭四年於譙門內建收糧所七年許松估增建東西書
房及后土祠十年汪元采率紳建寅賓館乾隆二十四年張立中

三十六年陳成謨各有修葺五十一年謝袞措廉修東庫寄贓房
東西科房宅門左右門房幕房勤慎堂花廳觀音堂東西廂房三
堂東西書房住房廚房廊屋嘉慶元年陳大春四年來珩相繼營
繕十五年吳樹勳項修監獄二十三年梅大鶴建申明亭於頭門
左旌善亭於右道光七年陳文衡重修翺飛樓二十五年崔登鼈
修整監獄咸豐五年燬同治七年王麟昌率紳民重建舊內署左
觀音堂九年署縣金第移建內署之右民國燬
楮樹潭巡檢司署明崇禎六年知縣韋買民地建正廳官舍兵房
繞以墻垣明末燬清康熙七年巡檢鈕嘉豫重修六十年馬昭遠
復創二廳上房廂房站亭乾隆後歷有修葺咸豐六年燬十年三

區紳民重建同治六年水毀七年捐建如前民國燬

典史署舊在主簿廨右明廢清康熙五十年典史顧景默於縣署

西建屋五間五十九年陳復球因建贊政廳後廳書房雍正六年

徐鳳誥建廊房嘉慶七年王書政偕紳郭樹梁等重修道光七年

茹天培建牌柵於署左咸豐五年燬同治九年署縣金第撥修志

款千串率典史程炳及紳民重建民國燬

萬載縣志卷二之二
營建

倉 陂堰塘閘 泉井洲池 公所并裁廢及縣外

積貯為天下大命清制有常平倉列入交代霉爛變壞鼠損雀耗

由官賠補散放則得清而行故汲長濡願受擅發倉廩之罪也咸

同而後倉穀不存惟湖北當陽有三千數百石每易一官盤量給

足其費前後分任之官有積穀之損民無積穀之益然則固不如

社倉乎今之積穀師社倉之遺意今年取百分之幾明年又取百

分之幾又明年又取百分之幾保長取資其間有收至一五者有

收至二分者有收鄉桶而折算城斗者人不敢言此其中飽不可

究詰也卽非中飽而入倉者不復時其出納防其腐敗稽其耗散
取之盡錙銖而視之如泥沙當機明達想必有以審量而處置之
得宜也秋冬新收積穀存儲無所刻期成倉土木包七千元工人
巧取牟利苟爲目前不慮長久泥土漬涇木板未乾倉卒貯穀敗
壞堪虞願有監督之責者爲久遠謀而不爲塗飾觀美之具也足
食足兵慎固封守其斯爲十世之利乎此稿成於二十六年與近日情
形微有同異調劑民食事不可緩當時縣斗米價以石計算至貴不過六七元
今秋不在野旱乾特甚担米需法幣四十餘元有保存倉穀之責者願慎重將
事以備不虞八月記

縣倉原係考棚廢基考棚在縣治西明德坊嘉慶四年就萬本立
買構文昌宮基創建前照牆左右轅門次二門左側房五間內爲
甬道左右長廊各十楹彙征堂十六楹宅門房三間問心堂十二
楹左右房四間後爲神寢左號舍郭孟牖祠助基橫十一丈直四
十一丈五尺中爲橫巷上舍三大棚一小棚下舍二大棚右興賢
堂卽培風講堂三進兩廊四房厨房一間其轅門內二門外集賢堂
開際譽等助基周圍磚墻有田六千餘把公擇首事三年輪管收
租爲土客二籍文武鄉會試贖費有碑道光二十六年首事張藻
辛子魁因修學餘貲添建兩廊號舍五百二十坐并修飾大堂興
賢堂費四百千有奇咸豐六年號舍概燬同治八年職員朱仕豪
捐建并改培風講堂爲號舍費千六百有奇民國燬改縣倉附載

田畝潭埠天符廟莊田壹千六百把又中屋裏莊田壹千三百十把 小浦莊田
柴百柒十五把 徐家台山棗柿莊田七百零二把 石板墩田四百九拾把
袁家塘田壹千壹百五拾把又袁家門首魚塘叁股之壹又袁家屋場基土一片
井邊沙坵土一片辛桂雲助南炊蔡田叁百拾五把田在屋毀而基存前縣長
張薊甫改建縣倉東西各五廩中爲天井前爲房屋三楹及雜室
門外爲曬稻場場外餘基尚多可以展拓
常平倉康熙四十年知縣何錫命詳請就按察分司行館建二十
三間雍正十年知縣汪元采捐建門堂三間額貯穀壹萬貳千壹
百肆拾石叁斗嘉慶十五年知縣吳樹葺

新豐倉縣署東雍正三年知縣施昭庭建七間七年知縣許增建

九間十年知縣汪重修咸豐五年燬

八隅畚眾社倉明德坊上至常平倉下至官街行路左右俱至墻
外行路 畚產北窰楓樹下早遲田一千五百五十五把并莊屋魚塘餘土
有册契

安泰義倉九仙宮側廩十四廳房七合邑土籍捐建有記

義豐倉康樂坊文昌宮側購買九姓及賓興堂基建廩十八廳房
八門外守倉屋與文昌宮合建平管倉及穀專係一二區土籍捐
建有記

永豐倉三區楸樹潭內立同善樂善兩堂附儲育嬰因心堂穀有册近爲區
署借用亟宜清還以復舊規方木山一帶原集有穀早經分去并注

常豐倉三區黃茅按黃茅會分品節詳明德自堅定入小團惟詳字團各
姓積穀早經分去此注

時豐倉四區株木橋

和豐倉五區大橋

咸豐倉五區白良江濱有記

年豐倉五區五百興

恒足倉五區圳上有記

慶豐倉羅城散戶捐建

恒豐倉白楊市畝眾建有記

義成倉丁田畝眾建

十二義倉俱道光辛丑前立首士捐戶咸邀議叙

倉所以儲穀穀生於農稻田需水而高原苦旱川流疾也陂以障
之而挽之使上則筒車宜溪漲驟也堰以緩之而殺之使分則溝
澮宜春雨多而綿綿塘以蓄之埝宜高厚防奔頽也泉始流而涓
涓井以聚之時其疏濬無壅蔽也小民可與樂成難與慮始已成
之陂堰年加修築村眾類能之已就之池塘積久淤淺俎使挑治
未必盡能之所望鄉多正人喜談公益而又得良有司提倡於上
塘日加多而饑年絕少是十世之利也

萬載鄉陂十七所堰三十四所塘二所

梅花潭陂

滑石江陂

鷺鷥嘴陂

龍潭上陂

龍潭下陂

爛柴陂 以上六陂在朱溪橋下楮樹潭上俱受撥孟塘大水源二水老虎江
 陂 下嵐橋上陂 瓦子灘陂 冷舖前陂 窩仔窟陂 窩仔
 窟下陂 野狸窟汪家陂 以上七陂俱在楮樹潭下池下上大埔頭陂
 車田陂 米篩布陂 大塘下陂 以上四陂俱近潭埠周陂橋水與楮樹
 潭水至此合流桂花堰在洋源大井堰在後槎水來自宜春荷陂嶺逾洋源
 楊堰水由大井堰來井堰 半堰 黃土堰 新堰 以上四堰俱在棗
 木橋旁大水源水神堰在棗木橋黃荆莊城堰在零江橋熟堰在棗木橋上
 大墩裏催田堰在撥孟塘路下水自東木橋來濠波堰在城下丁姓修後更
 建石堰上石界堰在車陂頭下石界堰在嚴坪梅堰在梅坂李姓與眾姓
 分溉有界石石陂堰在石陂下口灑金繩寺前上下墩田涵田堰在仙居橋

漑南嶺田 山南堰在仙居橋漑台上墩田 橫嶺堰 梧春堰

石堰 早禾堰 扇堰 文武堰 以上六堰俱在周陂橋上西南等處

陽流堰 此南條水源發鐵山界 巖堰 新堰 下牛水堰 上牛水

堰 羅家堰 南江堰 吃水堰 以上七堰俱在周陂橋上西北等處此

北條水源發軍屯嶺 易公堰 橋堰 以上二堰在周陂橋下 麥初塘

蕭家塘

進城鄉陂堰各五所塘一所

昌陂在山口橋門前漑昌田墩田 犁陂在山口橋下漑棚上田 雞公陂

在白水故寺墩 石牛灘陂 在水南 郭下埠陂 在水南土橋頭漑洲上田

楊堰在蕪溪沖口漑浩石田 鯉堰在龍田石路下漑西岸田 龍堰在龍

田石路下溉東岸田 上潭堰瀦白水溪流溉楓林墩山古堰久廢乾隆五十
二年鮑震圖復建併開左側石圳 下潭堰溉陂田潭埠田 墾塘在潭埠
高古嶺北

懷舊鄉陂六十七所堰四十四所塘六所

鄧公陂 社下車陂溉江背腦上田 楊家灘車陂溉沙嶺下田以上

三陂俱在鈴田 野貓洲上中下三車陂 在車上 石塘子車陂

廟下車陂高矮二車二陂俱在五宅村 擔水埠車陂高矮二車 杞樹

灘車陂高矮二車 灘下車陂 勾形車陂以上四陂俱在深塘 小

車陂在野豬口 馬家腦車陂 車頭新舊車陂 黃泥潭車陂

何家埠車陂 宋家車陂以上五陂俱在南窰 獨古潭車陂

何家灘車陂二陂俱在細村 塢頭車陂溉塢下併洲上一帶田 李

公車陂溉社背田 高車陂 昌齡車陂溉高車埠白塔田以上四陂俱

在李家園 白塔車陂在白塔南岸上下二車 鍾鼓石車陂在田莊裏

上下二車 牛車陂 灞上車陂上下二車二陂俱在橋墩北岸 龍石

車陂在橋墩下洲 月光灘車陂在月光灘 連頭三灣車陂在吹藜

上 中洲上車陂在吹藜南岸 地坊石車陂在南吹藜 馬腦石車

陂在北吹藜 獅巖車陂在高車 獅子車陂 楊禾車陂上下中三車

二陂俱在南田 上土租車陂在上塢 下土租車陂下塢 黃感灘

車陂 在江口 老圃洲車陂在多江上 井公車陂即喬居車陂在

中洲下漑棧下田 三輪車陂共五車 上下南車陂二陂俱在棧下

鄒公車陂 劉公車陂即呼田車陂 閘仔口車陂 水口車陂以

上四陂俱在呼田 泉水井車陂在黃土嶺 犁轅灘車陂即佈頭車陂

在西支佈頭 丁田車陂 高車陂二陂俱在丁田 三官車陂二車

雷公車陂二車二陂俱在塗口 無尾車陂在小江西 門前車陂

興田車陂 石龍車陂 石岐車陂 蕭公車陂以上五陂俱在小

江西下興江上 番官車陂 楊家車陂 灌田廟上車陂 中車

陂 下車陂 審前車陂 河家洲車陂 石坑上車陂 石

坑下車陂以上九陂俱在興江下 洞口堰水自竹山洞出 楮樹堰

在洞口 洪堰在洞口廟前 狗腦堰 新堰嘉慶二十五年重修旋圯

道光元年復修 禿堰 丁家堰今廢 小堰 門堰以上六堰在俱黃

村 石虎腦堰在濠湖 天堰即天陂 石堰在銀山下麥田北江水

板橋堰在宜春塘下水來自楊柳窩等處 麻堰在坑源漑則家市及坑

源田 戰堰在周家市漑城塘及三官堰田 羅堰在羅溪漑郭村石溪田

石溪堰為魚洲堰沿石溪上堰田 王源堰在郭村漑田西堰田 泉公堰

在蛇源溪口漑黃土墘田 瘦堰在郭村地漑郭村下堰田 虎堰在郭村

下堰漑下澤瓦子畚田 醬堰即蔣公堰在田西冲口漑王家坊秧田堰田置

有山畝備歲修用 新堰在下澤漑五里牌田 蔣公下堰在王家山門首

楊柳堰即楊田堰在五里牌漑下堰田 土堰 大橋堰在張家塘漑吼

狸堰田 條般堰 九林堰 良田堰三堰俱在張家塘 白竹堰水

來自峯頂山 破江堰二堰俱在橫山 塞江堰 虎堰二堰在大坪

松山下堰在藍田 慶豐堰在紹江原名嵐堰許侯更今名 官堰在黃

竹嶺渡桃江口緬村田 石堰在沙路冲口 蕎麥坑堰在竹渡坑內水來

自後塘 桐江圳堰在龍崗口 王家坊堰在王家坊 雷公堵堰在竹

渡 柴源堰在柴源 塗陂堰在塗口 泉坑塘在竹渡 灌塘在奇

圃仰山廟左 荷花塘在濠湖嶺背 赤硃塘在縣西 鬼無塘 瀝

塘在南田首

歐桂西鄉陂堰各二十五所塘四所

劉公車陂 茶籃埭上下車陂 永興車陂三陂俱在旭田花塘等處

台明江淖源水 巖下韓家門首上下車陂 殷家上下車陂 曾

家車陂 隴裏車陂 殷產埭車陂 郭家車陂 殷家門首下

首車陂 王家車陂 宋家車陂 厲家車陂 高甕車陂

下園車陂 向家車陂 高中車陂 江背車陂以上十五陂俱在

花塘至興江等處 高家車陂原名易家 黃茅車陂即澄渡陂 沙潭

卜公陂上下車陂 易家桐樹祠後上下車陂 隴裏止平車陂

下窰前車陂 汪家車陂以上七陂俱橫蜀江自興江至上高界 謝堰

率堰 小堰 球堰 黃土堰五堰俱屬錦江水來自謝山合坑口水

席堰 高堰 遲堰 曲堰在赤溪坑口四堰俱屬錦江水來自蔡子寨

牟村堰受牟溪水乾隆己巳辛天與倡修舊在青鵝坑口今移梅樹冲口漑東

西兩岸田堰左有陂山自青鵝坑至石牛潭 龍門堰 羅家堰 官堰

建堰 新堰五堰俱屬明江水來自十八渡 小官堰 西陂堰

漫堰即開田堰 徐家堰四堰俱屬淖源 啟堰 銀堰 雷堰 船

堰四堰在三百坵花塘等處 廖江堰在豐田水源自大東山 陽陵堰

在豐田水自黃茅嶺 羅塘 范塘 堰塘 大塘

歐桂東鄉陂三十四所堰十二所塘五所

何家洲上陂 何家洲下陂溉虎符田 虎符陂 澗田上陂在

石山頭溉下澗田田 下澗田二陂以上俱受黎源水 高車陂 肥

田陂二陂俱在張家山 盧洲陂在盧洲下澗下三陂受藏溪高村二水

周塘陂 枯塘陂 攔江陂 沙子陂 中陂 野塘陂以上六

陂在小水受周塘水 均周陂 溫陂 烏陂 潭頭陂 下首陂

上下楊家陂在宋家腦 大陂 社靈陂 孫家陂三陂俱在岐山

狗腦陂 龍家陂 八陂 石頭陂 大橋陂四陂俱在橋頭受漳源

水 楊家陂 墓前陂二陂在下敖受湖仙塘水石圳口陂在淳江水口

南園橋下陂二陂受藏溪水 龍陂在高村 烏豬陂在慈溪 潭頭

堰 上羅堰在石眼脚溉羅城墩田 中羅堰在蓮亭橋溉芳田墩田

下羅堰在橋埠岸溉下羅城墩田 厲家堰在羅城下墩溉厲家洲田以上

俱受黎源水 澗洪堰 敖家堰在湖溪溉湖溪張家山田 蘭江堰在

藏溪 羅家堰 堵堰 龍派堰三堰俱在羅城受藏溪水 祖堂堰

在藏溪溉淳江田 蛇落坑塘在芳田墩 蓮亭塘在蓮亭坑 石鼓塘

野塘 周塘俱在小水

以上溉田陂堰共二百六十八塘共十八俱從採訪載入舊志陂

高韋集卷之二
堰塘一百六十六合採訪者僅七十七餘或蹟是名非或舊有今廢無從查核矣

護城內外堰閘

崇文堰學宮東雙虹橋左久圯明嘉靖三十六年督學王宗沐命重修萬曆十八年知縣張履中清康熙五年知縣范廷鳳相繼修葺後廢按通志督學作江以東蓋綠橋記應泉江公典文教語誤也以東隆慶進士安得有嘉靖官督學事所謂典文教者蓋指學官言其時教諭有江世卿

龍河堰縣北門外龍河橋下舊爲譚家堰明萬曆中與橋並圯於水豪猾并堰基沒之譚族訟院道命重築崇禎六年知縣章明傑督譚經濟經世中倫等脩復焉更名維城歲久復圯清乾隆二十三年邑貢汪有燦承知縣張立中意捐銀二百五十兩致其功因以崇文名之後復圯乃有崇文閘

崇文閘乾隆間首事鄧鏞等因潭堰募建石隄宋嘉秩捐西岸地爲基仍崇文名費金九百有奇後冲塌道光六年知縣陳文衡倡紳者清理水道徹底改砌石閘以時啟閉費一千八百餘金山田以陂堰池塘爲命脉舊志所載陂堰止有此數塘則不過千百之一水利所關理宜詳細編入其不能輕易登載者恐啟爭端卽未載之陂堰池塘各有灌溉章程鄉民習慣確宜遵守此注

溥泉縣治東儒學前臨河味甘明正德時塞後復出今發石成井汲者絡繹焉

卓劍泉縣治西二百五十步廣報觀右世傳謝仙以劍刺地湧出

舊有亭今廢詳仙釋志

火田泉縣南五里馬步溫煖溉數畝稻熟較他田早旬餘薦新者多取焉

翠巖泉縣北翠巖寺後從石巖下噴出四時不竭

塗泉縣東六里許汨汨上騰如珠深處不能測洄者墜卽浮鮮有溺者潛鱗肥美倍勝他處出口成溪可通小筏兩旁秀岡環繞松竹交映舊志云廣約十畝澄澈泓渟有龍居之禱雨輒應

泉塘縣西南十五里田北村深洄渟瀦溉百餘畝

福塘泉一名福溪縣北三十里廣可十畝滾滾如貫珠味甘美一碧澄泓鳧鷖出沒鯈魚上下民無溺者故稱福塘溉田三頃鄉人

遇旱禱雨於此

清泉卽清泉水瀑布嘉定志云泉流十八折俗謂之十八溪

湖仙塘泉縣東北三十里橋頭村如圓珠萬顆觀者眩目灑灑下流灌田無算每春菱蘆彌望入夏卽可采食

仙塘泉縣西北三十里仙塘廟後冬溫夏涼流注廟前旱禱多應廬泉石井二泉俱在豐田村源深流長藉資灌溉

江心泉縣西北四十里牟村下游自江心洲中噴出披沙上湧四時不竭雖漲而一脈清流猶螺旂於濁波中

周塘泉縣東北四十里大悲山西南麓脈甚大如穿篩眼奔流洶湧灌田甚廣

龍池泉縣北五十里羅城之東白山麓石罅中出灌田數百頃味甘而冽上建龍神祠禱雨時應

霏玉泉縣北七十里高村九頂山棋盤石下峭壁中有石突起飛瀑當其道不得落逆捲而上隨風散走復平流數百丈懸挂爲簾蒼陰無路冰霧上噴足供幽賞

石門泉在霏玉泉下流上有潭瀑數處至是始合泉益大兩旁山勢陡絕潛流於石頰潏然雷震莫知其處洩爲小潭滾波清湧可睨不可到跌下大谷中仰望垣壁際天泉訇訇顛墜如搖幅帛百十步中虹光雪影極耳目之幻

義井有二縣治南百步再思橋東舊志云井深五尺許用之作腐

較他處增多府志云井久塞乾隆二十二年知縣張立中捐資開濬民甚便之 康樂坊相傳曾救大兵之渴故名

聖井舊志云在縣東北安仁坊北路口世傳宋乾道間普庵禪師嘗遊息於此時值多疫師於井取水飲之疫遂痊故呼爲聖井至今水味異他井遇旱愈冽

泉溪井舊志云縣東福壽坊後街汪永善開砌水最清冽 真君井府志云縣西廂外二百步世傳謝仙曾經此就媪求水媪辭水遠謝指其地曰鑿此可得水後果應

仰山井府志云縣西十五里仰山廟後山頂有亭今俱廢 官洲舊志云在儒學前三江口中約三畝餘與筆架山對峙形象

稱爲書案

閘下官洲有一舊堰基西岸上至劉姓塘下隨吳公講堂田塍直至龍江口左至吳公講堂田右至江東岸水府祠前併右側俱隨石路橫過直下至江廣袤數十丈俱禁侵佔上下斜對舟檣森列每至宵分燈火煜耀彌望如星

龍洲舊志云縣北二里許卽龍河渡約廣四百畝向設舟渡於此爲縣八景之一曰龍河晚渡洲跡猶存

中洲縣北龍河橋下江水原折西流自乾隆乙酉洪水衝破東岸喬居出沁其未圯者遂成洲乃東西分流洲障江心故曰中洲形家云水口忽起洲人文必漸盛果驗

綠陰池府志云縣治南百步再思橋右

劍池府志云縣西一百里池廣丈餘舊傳許旌陽捕蛟洪州時蛟潛逃此旌陽捕斬之因名

養濟院東關外明洪武三年縣丞馮原禮立知縣李燦陳璨林山胡文光相繼修清初移社稷壇左乾隆五十九年知縣蔡鉅蘭徙小北門外五里亭黃竹嶺廳一左右廡二十四

育嬰堂西門外里許錦衣坊卽養濟院舊址捐置田產公擇首事三年輪管核銷咸豐九年續買四都三畝小南門外宋家坊十里園屋宇土田等遂以此屋宇爲堂立有育嬰堂匾額藉溪莊田壹千捌百陸拾伍把 饒田壹千九百柒拾把水南貳百捌拾把 白良旭田柒百把

又溪坑虎爪下貳拾把又范塘淺冲田叁拾把 東門嶺下肆百捌拾伍把 鬧
城駁捌百把又門首新陂上伍拾把 大橋牟陂肆百零伍把 同治五年駁與
馬崇德管業堂內駁得馬崇德田壹百伍拾把額租拾柒石 蘇溪田叁百柒拾
把 蘇溪木嶺冲田壹百九拾把 榴樹潭葛藤冲壹百伍拾把 西門毛家冲
壹百陸拾把 花塘窰裏叁百把 沙潭壹百把 後塘社背冲山場一畝 衙
前明德坊店房一所計二進 道光六年首事潘于蕓蕭世即續買小源田叁
百貳拾把 二十年首事袁端揆唐淦盧貴顯買下確田叁百陸拾把店房一
所高塘裏田叁百零伍把并莊屋 二十六年首事郭兆珍唐淦盧介續買饒
田村田叁拾把 同治元年首士袁桂林郭珠雲楊連珍謝文賢劉喜延吳觀
保曾挺森饒炳燦增置萬歲橋等處早遲田共貳百柒拾肆把額租叁拾伍石四
年又增置三十把早遲民田肆百壹拾把額租五十五石均有竹木山場熟土庄
屋

普濟堂縣署後偏右乾隆十九年知縣朱崧督首事郭治清等倡
捐構屋上下二棟左右廂房門樓環以圍墻將原撥義學羅教黃
和生等田柒百伍拾柒把洲土二塊額租肆拾肆石伍斗詳請改
撥堂內并建堂所餘銀陸拾柒兩統交治清暨周繼盛等生息至
二十八年共有肆百伍拾叁兩零買橫山南窰田額租陸拾石詳
咨部准初收老人四名繼增爲八名月給口糧冬給棉衣歷年收
支統歸學首事兼理報銷俗名老民堂屋舊而完整民二十六年
縣長張蕪甫改作圖書館其實儲書無幾館長常駐所支經費是

否卽老民口食之費抑別有挹注姑誌數語以證廢興附載龍田
宋公塘等處田壹百伍拾伍把 栗樹坳叁百叁拾五把并山場屋宇魚塘 青
連山等處田貳百壹拾把并花土地并山場 以上係義學內原撥羅教田產契
約碑摹同田冊存縣庫 橫山荷塘等三處田叁百柒拾伍把南畝上東坑等處
田叁百柒拾伍把係首事等契買丈圖田冊存禮科

寶興堂治北康樂坊文昌宮左道光五年城鄉土籍紳耆捐買建
宮地基因就宮旁建堂二棟後堂置木牌臚列樂助姓名堂左一
室列捐婦姓氏前爲首事辦公所又前爲厨房門外空塲墁以磚
石繚以圍牆東向建坊曰聚奎所置田及各姓助產公擇首事三
年輪管核算爲文武童試卷費鄉會程儀有記捐助名氏契約條

規有冊今改爲第一中心小學

樂泮堂道光三十年城鄉捐資置田數千畝店房數所爲歲科試
堂內文武新進脩金印卷飯食公擇首士輪流經理嗣因廣額過
多經費不足堂內止認脩金印卷飯食新進自備併稟 學憲存
案訓導盧龔有序有記

龍岡育材堂係就原有樂育堂及分縣堂之款重複捐貲以備新
進文武之用考試停後此款附屬龍岡以爲獎勵升學之用近立
新冊改稱今名前後有龍賡言序

東洲寶興堂在牟村河東道光六年紳耆捐建上下二進後棟置
木牌臚列樂助姓名左右廂房堂右闕一室列婦女木牌堂左爲

辦公所又左爲廚房倉廩門外毬場左一泉井右一池塘門樓四
榻三間塲以磚石繚以圍墻堂後竹木周圍垣墻環田數十畝知
縣陳文衡記

東洲敬教堂在賓興堂左偏上下二進後棟置木牌牘列樂助及
首事姓名堂十楹繚以花墻堂之東另闢一廳以延見賓客右通
賓興堂購田數百畝爲科歲試文武新進及補廩公費教諭蔣芳
序
三區惜字堂因離城較遠縣堂收拾字紙歲難周徧爰立此堂以
五百大錢爲一股日積月累買有田莊倡此者附生龍元鱗龍樹
槐監生湯日烜印有冊近被借名公款者提去理應清還

宣講所在邑西八十里白水市下街雍正十年知縣汪詳准將羅
教揚子華礫嶺遺庵改建撥大楓四柳樹冲田壹百伍拾把爲本
鄉紳士宣講薪水之資後被佃侵佔乾隆七年紳士歐陽瑞劉嵩
等清復有案將公宇移建今所
因心堂在大北門外王昌仁李榮陞等七十人建置有田畝山塲
歲施棺槨有序

皆有堂在白水陽澄橋下街道光九年職員歐陽春協監生歐陽
精歐陽鶴甘會鳳等各子孫倡捐置產施棺二十三年建堂有記
市政分司舊在洽南二百步崇信寺右明正統九年主簿楊義建清雍正五年
改守備署令爲考棚

按察分司舊在治東五十步儒學右明洪武八年知縣賈志通建後爲湖西道署清康熙四十年改建常平倉

府館舊在治東北靜安院右明宏治中知縣顧英建萬曆中改武廟

縣丞廨舊在節愛堂右明崇禎二年裁

主簿廨舊在丞廨右後裁

稅課司廨舊在邑東明洪武七年建景泰七年裁

楮樹司廨原在鐵山界明宣德四年知縣在悠久建後圯萬曆間議遷

地不果巡檢僑居城內崇禎六年遷楮樹潭市舊廨遂廢遺基橫三十五丈直二十丈前至塘邊行路後至塢上土坎右隨屋側路左隨田角土垠道上爲界此地聞已變賣

高村鎮巡檢司廨宋元豐間置在黎源元季廢明洪武四年知縣韓或重建十二年戴坵尙存

陰陽學舊在治南崇信寺左明洪武十七年知縣胡子愚訓術楊芳建建後廢

郭孟廂祠買其地爲考棚基

醫學舊在治東榜亭左惠民藥局明廢

僧會司舊在崇信寺左廢

道會司舊在治西廣報觀右

榜亭舊在縣署前東西十三間

接官亭九都四畝藍田廟左直三丈橫二丈前至街後至塢脚右至廟左至塘脚

新市倉舊在邑北七十里明天順二年知縣梁高修

東倉舊在城隍廟側

南倉舊在邑西高城密下

西倉舊在邑西大堆頭

北倉舊在裏裕街明知縣陳燦立

官田倉舊在邑西七十里明宏治初知縣黃拱立

預備倉舊在城隍廟左明正德中知縣張邦穀移建南浦橋左嘉靖間知縣李

參榜曰足食萬厯己酉洪水腐穀千計倉吏斃獄破家四十七年知縣姚繼舜

因舊址增高三尺重蓋四廩中爲官廳旁設吏卒防守舍後並廢

按舊志李參作李邦攷郡縣志明知縣無邦名茲從韋志

水次倉舊有一邑北黃竹嶺後廢遺址橫四十五丈直二十三丈四圍水溝爲

界城隍廟左知縣張移置與預備倉並峙隆慶間知縣胡文光改建龍河濱專

儲南米知縣徐一唯重修復地萬厯二十七年畢懋良修葺立碑以後官儲南米

歲於水脚銀內支修崇禎八年知縣韋明傑主簿林憲孟重修今廢

澗田倉舊在邑東北三十里 進城倉舊在邑西四十里

牟村倉舊在邑西北四十里後廢遺址前至官路後至田塍左至塍右至水圳

櫛樹潭倉邑西六十里今廢以上四倉俱明隆慶四年知縣胡文光立

按韋志汪志俱以櫛樹潭倉爲畢侯立其三倉不詳今據宋廷尉

城南社會記補正城南倉舊志亦漏并補

城南社會明隆慶四年知縣胡立在預備倉左左右巨廩八中有廳旁設小屋

三合邑社會原共財本息穀二千七百四拾二石三斗一升四合八勺今無

安養院嘉定志縣東三百步歲久頽壞嘉定十三年知縣汪闡中撤而新之為
屋二十八間後易名養濟遷建東關外

兵馬司舊有六東關內左除城墻下官路八尺橫直各一丈 大南關內橫直

各一丈西關內右深進二丈五尺濶七尺五寸 大北關內右除城下官路深進

二丈濶八尺 烏溪關內右深進二丈五尺濶四丈 龍河門右除城下官路深

進二丈五尺濶二丈

五鄉申明旌善亭遺址 懷舊鄉賢里高田成俗里南田黃田去恩仁里奇

圃我谷村里待源 緬村里腰裏 宜村里高城注志兩至街後易土左張王園

土右張墻脚 羅秀里藍山 蕙載鄉新開里孫家門首 長安里獲富市

新賢里石上 霞峯里康家嶺 進城鄉嶺外里排江 宣教里龍埔頭 上太

平里牟村 歐桂西鄉臨化里茄園裏 進賢里郭山 裏裕里裡裕 歐桂東

鄉康樂里岐山 蓮亭里苦竹嶺 藏溪里煙竹

舊志按申明亭在鄉者明洪武六年前令賈志通奉頒降成式建

立亭屋三間中虛四柱繚以垣墻基址濶一丈八尺周圍十二丈

五尺旌善亭洪武十六年後令胡子愚建立規制基址悉如申明

初制選擇鄉之年高有德者於此剖決爭訟申明頑惡其善者旌

之而後決於有司曠廢已久錄之以存故實

京城袁州會館在正陽門外東草廠第七條衚衕坐東向西瓦屋

一所四進大小房十六間前後至衚衕南墻連南安會館北鄰民

高唐縣志卷之二 禮樂
居乾隆九年邑土籍及三縣紳民旗丁等捐買公建

宜分萬會館正陽門外西珠市口板章衚衕內保吉巷坐北向南
道光二年邑土籍及宜分兩縣合買并店房共五十間又路西屋
八間價共二千三百金萬載出九百道光三十年於牆東改建頭
門坐西向東以後尙有增加

京城萬載會館在粉坊琉璃街坐西南向東北瓦屋一所二進後
苑併左偏房屋共計大小十二間前面琉璃街後連橫牆左右皆
連牆直下同治四年東洲書院公建價七百餘金

府城考棚歷係四邑朋建嘉慶丙寅知府鄭鵬程倡議改擴地基
邑生員袁建原監生建校職員建序合捐園土直二十四丈橫十

九丈連舊基建棚十二邑土籍捐其四辛大祠辰棚郭孟歸後裔
已棚職員劉崑午棚貢生李以正亥棚以正又與宜分二邑重修
大堂甬道站亭科房轅門圍牆等處道光二十一年邑紳士辛東
卓汪茂楠王簡心等遵府檄勸捐分修供應所頭門東偏厨房儀
門外兩廊院西圍牆及原認四棚號舍詳院給匾有案嗣職員湯
伊衡捐建雨亭咸豐六年髮逆陷城全毀咸豐十年府檄四邑分
建邑首士湯日烜高化鵬黃啟圖等遵府檄勸捐土客合修頭門
禮科工科聽差買辦各房共十榻九間頭門左右中三過亭東西
轅門圍牆屏牆及兩偏過亭鼓亭轅門外左偏內巡捕官廳供給
所各全棟右偏外巡捕萬邑禮科公所各全棟辛大祠建亥棚號

高車鼎志
舍郭孟闢子孫建西棚號舍東洲書院建未棚號舍湯伊衡子孫
重修雨亭全棟同治九年雨亭復圯相繼修葺

府學嘉慶十四年移建貢生李珽以正同修大成門名宦祠鄉賢
祠道光二十九年李以正之子楨獨力重修并修覺宮舉人劉文
毅生員郭陶辛思誠郭光青等勸捐合邑土籍承修石柱四層牌
樓泮池石橋欄干泮池前石柱櫺星門射圃一所箭廳一間四圍
宮墻四分之一報銷銀五千餘兩捐戶俱邀議叙辛郭王劉易鮑
各祠捐數另有碑記 文昌宮先代殿一棟費工料錢三百千舉
人劉文毅生員郭陶以清理公地所得之錢捐建此外惟樂泮堂
出錢八十千文助修以爲堂內首士科歲兩試辦考栖息之所咸

豐四年兵燬八年樂泮堂重修

附府學廩生膏火田在宜邑東嶺下計田三百四十把生員郭光
暹捐助

郡城道光十七年重修邑眾認工自南門至東門止城墻城樓城
堞徹底更新共工料銀八千七百有奇首士捐戶邀叙

昌黎書院道光二十年監生柳翹豐德輝捐建西北隅齋舍有記
今并爲首立鄉村師範

省城貢院號舍嘉慶丙子更修郭孟闢祠朱珊眾唐錫鐸各捐紋
銀百兩西門鮑祠捐錢七十千集賢坊張祠後街汪祠虹橋劉祠
各捐元銀五十兩白良袁祠捐紋銀三十兩辛大祠捐錢三十千

陳孟楠捐銀二十兩大北門丁祠捐錢二千咸豐九年重修合邑捐銀八百兩同治六年增建號舍又合邑捐銀四百兩敬教公所所在郡城南門皇殿左側四楹三間上下二進左右各置廳房計大小十間外有毬場菓園四週繚以圍垣同治十年東洲敬教堂公建

萬載公所在郡城宜春縣署右側靈泉池同治十年合邑土籍捐建一連三廳後左側有書屋屋左側有場至城後牆外有菜土一片門首毬場門樓左右唇屋週圍磚墻

萬載縣志卷二之三

營建

祠廟公園 塋墓 寺觀 塔

祠廟有為一王之制者如文昌武帝社稷山川雷雨風雲以至於城隍胥是也民間所最崇奉不禁鄉人之祀關帝亦不禁婦孺之會集城隍演戲賽報乃田家作苦有此數日之歡娛所從來久矣遠鄉如端陽之競渡關爺之聖誕真君之生辰莫不有先後爭趨之樂亦莫不各有廟產以支配之甚而七月之龍燈會八月之禾苗戲類皆數十家之村農集貲而成以供一飯一饌之遺所得幾何而不免於一口吸盡今日而言祠廟何以開其源而不為之塞

其流也

文昌廟舊在治西乾隆甲午原籍公買守備署建辛宗侯郭樹立
陳經集同志二十餘人釀貲奉祀嘉慶己未改建考棚移像於後
道光乙酉紳士郭世華辛錦斐陳鼎龍朱珊宋海嶠宋謨策郭如
岡鮑啟倫郭樹葉九家子孫因寶興堂所買地基合貲創構并先
代祠迴廊儀門魁樓宰牲所官廳如式歲以春秋仲月諏吉及二
月初三日聖誕致祭牛羊豕各一爵三登一釧二簋各二盞豆
各十俎一鑪一燈二

帝君先代祠在廟後每歲同日致祭祭品視 武廟先代

關岳合祀民初通令各行省地方建廟祀漢前將軍漢壽亭侯關

壯繆宋少保岳忠武以張飛趙雲王濬謝玄韓擒虎賀若弼李靖
尉遲敬德蘇定方李光弼郭子儀王彥章曹彬狄青韓世忠劉錡
旭烈兀郭侃徐達常遇春馮勝藍玉戚繼光周遇吉二十四人從
祀

附田產道光四年職員辛朝聘妻郭氏助興江山三百把因佃霸踞未清二十
九年朝聘媳節婦羅氏清業交出又補助株木冲田四百把在坑口案山山土
一片有契約

武廟舊在雙虹橋畔久廢明萬厯間知縣姚繼舜建於靜安院右
卽府館廢址崇禎癸酉知縣韋書額清乾隆丁巳生員宋履洛集同
志釀金奉祀壬申重修後因靜安院燬佛像寄廟中邑紳辛瑛捐

石柱謀建未果道光甲申知縣衛鶴鳴倡土籍紳耆宋維新湯伊
衡李世榮等就靜安故址創構如式歲春秋仲月諏吉及五月十
三日致祭牛羊豕幣各一鉶四簠簋各二邊豆各十尊三爵九鑪
一鐙一

祭文

維

帝浩氣凌霄丹心貫日扶正統而彰信義威震九州完大節以篤
忠貞名高三國神明如在徧祠宇於寰區靈應丕昭薦馨香於
歷代屢徵異蹟顯佑羣生恭值嘉辰遵行祀典筵陳簋豆几奠牲
醪

樂章

青湛湛玉霄門神來下綵旄紛宮牆輪奐遠豆芳芬光景動人

民丹心照日浩氣扶輪迎神

調蘭醕酌桂尊神來饗房俎陳忠貫金石義炳乾坤純臣戴一

君力扶王室不願二分初獻

汎盎齊觴再進簫鼓諧聲歌韻武節絕倫不辭利鈍神勇天威震

方知舊史未符公論亞獻

禮秩秩樂欣欣儼威靈至今存惟靈惟佑佑國佑民典祀極隆文

式揚顯號時薦明禋終獻

司儀告徹靈風來泊神聿歸嘉徵萃大濟羣生善良胥得意邪

高事集卷之六
懸無伸喙皇化所及咸尊廟食東西朔南靡勿暨徹饌

關帝先代祠在廟後每歲同日致祭用羊一豕一餘品如式

祭文

維

公世澤貽庥靈源積慶德能昌後篤生神武之英善則歸親宜享尊榮之報列上公之封爵錫命優隆合三世以肇禮典章明俯恭逢諏吉祇事薦馨

社稷壇宋時在縣西百九十步嘉定十二年知縣事汪闡中移縣西二百五十步卽屋備風雨加以垣明洪武三年知縣韓或建於養濟院成化六年知縣陳璨重修清雍正十年知縣汪改建南關

外三元殿前壇面磚砌四方各階三級有圍墻每歲春秋二仲上

戊致祭參嘉定志

風雲雷雨山川壇舊在南關外三元殿後明洪武三年知縣韓建成化六年知縣陳修清雍正十年知縣汪改建西關外養濟院側壇式如社稷制春秋仲上戊奉城隍神合祭

附藉田雍正十年知縣程買三元殿僧慧照田院上一百二十二把墓上四十四把一匠墓下八十二把三坵契財縣庫

零祭乾隆八年奉行每歲孟夏上辛合社稷山川諸神於先農壇行禮

城隍廟在水東岸集賢坊明洪武三年縣丞馮厚禮以紅巾劉仁舊居改建永

樂間燬正統十年縣丞周濟重建景泰二年典史朱遜修後廢宏治間邑人辛潤捐建規制畧如縣治崇禎十年知縣章募建清康熙戊辰知縣劉體元率邑人重建乾隆癸巳知縣楊長佐率邑人鄧鏞陳鼎龍等倡首捐建道光戊戌合縣拓基重修添建頭門外書亭兩廊餘資置產爲大修用咸豐五年兵燹八年十一年同治九年合縣紳民迭次修復有記先是咸豐六年粵匪踞城官軍交仗屢彰靈異今上賜宣威遏寇額朔望官屬行香春秋二仲合祭於風雲雷雨山川壇凡官司委任水旱祈禱皆致祭附田產原有香火田五百四十把在縣北正元冲康熙甲寅荒蕪甲午知縣龍驥清墾鈐冊令水東岸八坊值年收租又原管集賢坊店基一所直三丈三尺橫一丈三尺五寸續增烏溪關外院山裏二百把岳門樓汪家塋一百把菓禮人盛德助厰塘二百六十五把張德天助桃花石上屯田一百六十五把辛炳初姚鶴廷鶴順辛宏章助揭家塋二百三十五把魚塘一口張時及郭普亭助北吹黎一百把焚買石坂塋三百把辛基琇劉名紱助丁田西原塋二百三十把戊戌餘資買高塘裏早蓮田五百零五把永家坑規上早田一百把此二處田經首事易錫純陳守謙辛朝梅等

呈縣立案收租生息非大修不得動用

龍江山祠治左明德坊祀龍神明萬曆間建清乾隆間宋啟龍來儀謨勳等助基拓修道光二年合坊重建朔望官屬行香水旱致祭

邑厲壇治北楊桐岡元風師壇故址明洪武三年知縣韓建高三尺濶二丈地基直二十六弓前橫十八弓後橫十二弓門塾一宰牲房廚房各三歲清明七月望十月朔祭無祀祀神迎城隍神主之

里社五穀壇二十四所在懷舊等鄉明洪武十七年知縣胡子愚立舊志鄉曠壇二十四所明洪武三年知縣韓立制以祭邑冊日里中父老將事里社亦如之今俱廢舊志

三皇廟祀伏羲神農黃帝在小關嶺乾隆間合鄉捐建置有香火田舊名仰山祠關帝廟三十一城守營署內興賢坊何家巷南門外三元殿右康熙乙卯滿漢兵合建庚寅知縣晉駮修竹漑高城乾隆間合鄉建源頭水口乾隆間劉姓重建潭埠上街鮑子良陳君侯等三十八人建置香火田后白良橋頭白良中殿明萬曆癸未袁黃李黃四族建清康熙戊辰袁秉星黃萬生李月明黃禹一等重建置香

火山有碑白良下墩社合膺名興賢祠康熙中袁秉星李汝翼袁子萬李瑞吉等率族買地創建并置山蓄樹有碑道光戊申李姓重建牟村河東中街黃聚建嘉慶丁卯辛秉仁倡士商重建殿廊雨亭儀門歌臺後殿祀許真君牟村河西街後乾隆壬寅募建道光辛丑紳市合修後祀許真君前建牌樓戲臺并置香火店田下花橋合鄉建興江前有戲臺并置香火田菱蕪中墩楊樹雙江口眾姓建磗頭市道光壬午黃眾拓修皂山明喻子賢倡捐重修後有觀音堂歧源楊祠建磗下墩漳源柘桑鄭盛孫建何家洲蓮花墩箬坪水口嘉慶中庠生陳萬高子孫建羅城三周眾建羅城金獅祠高廷芳子孫建小澣嶼坵鎮東祠彭奇孫建岐山寄宮祠合鄉建杭橋游德圃引武家嘴李姓建三百興周家坵同治五年彭會仁錦修倡捐合鄉重建黃茅市財神廟內景衢市萬壽宮內
文昌閣凡十學前順治間知縣梁大年創康熙中知縣常維祖重修彭衡古助石雍正十年知縣汪元采率王愛郭起鵬等因基重建後燬岷公講堂前乾隆間學前閣燬邑眾移建爲閣三重上祀魁星道光初地丙午邑紳宋維顯率任仕豪等捐建加崇基仍舊維顯捐千三百緡長一房各八百緡四房百緡謨策衆二百

緡南田王氏眾建閣後立關帝廟崇福祠中構講法亭爲族人朔望讀法所白水陽澄橋下街道光元年鄉市眾建甲辰地生員歐陽文炳監生歐陽梅暨文社眾重建并祀魁星觀上盧家洲水口并祀關帝下碓水口喻廷蛙後裔建小澣清同治戊午年彭姓眾建東洲書院左側道光七年建民國二十七年修正誼書院右側光緒四年建民國九年修高村何家腦王任開裔捐建以上三閣新編民國八年柳文藻重修文昌閣費六千餘元二十四年正月乞丐住層樓不戒于火全燬文昌祠岷源水口楊姓建

萬壽宮一名眞君廟凡二十六縣署旁嘉慶丙子年合邑建九仙宮側嘉慶戊寅監生張慶禔鄧含輝晏淑善等募建大北關外馬腦山下龍江坊眾建道光庚子拓舊基重修前後三進厥堪乾隆二十年貢生巢起嵩監生李國選等倡捐募建置產嘉慶十年職員張楷倡捐重建范塘水口饒田合鄉眾建景衢市乾隆五十二年劉宗沐等二十餘人捐建有碑周陂橋乾隆癸丑陳春魁倡捐周華都等募建并魁星閣楮樹潭中街嘉慶己未鄉市重建置有田產在廟左近所收田息專以給僧謂之膳僧會龍崇城亦捐贊之一人年年八月住持僧請各出贊後裔一

宴誌不忘提產說起各裔將賣田以絕迹崇城裔不然其說今產已提聞管理者不實不盡亟宜清還改作慈善齋言謹注白水陽澄橋下街嘉慶庚辰歐陽洞歐陽臨歐陽典辛炳琚等募建道光辛卯地戊戌歐陽海和丰儀星友偕蕭金齡等重建并置田白良橋頭小木南園橋頭蓮溪橋頭仙源村潭埠雍正十年鄒元萬楊榮成等募建嘉慶丁卯朱梅林易祥雲等更募重建并置店房白良橋頭道光辛丑眾姓建高城道光壬寅合鄉建中菱蕪下街道光甲辰增生彭士楷黃福謙等勸捐建并戲臺站亭裏源古路祠曹姓建五百興道光年間募建有雨亭戲臺三百興下街合鄉市建道光辛丑重修添建雨亭及後殿大審口道光三年謝易辛倡募眾建麻田墩中同治四年謝繼宗眾暨仁元文賢俊賢等倡募眾建高村乾隆丙申饒開運建小澗水口同治丙寅創建原有一宮距半里許彭姓眾建周陂橋萬壽宮咸豐間眾姓募捐拓舊重新

三元殿一名三官殿九十一南門外月臺山下康熙四年貢生郭士選生員辛友月等倡建嘉慶丁丑僧智和重修靜安院西高城胡積德等眾建修撰史大成書額南田獅崑王姓捐基康熙壬戌僧洪緣募建嘉慶三年王姓重建後殿小江西順治間僧募眾建檣樹潭下街眾姓建後槎合鄉建九仙宮左明崇禎八年邑人建移東關三元閣彭副使鑄像供奉西江水口僧德星建藏溪喻姓眾建鏡山陳姓眾建

仰山祠九三小南門外宋家坊水南昌田墩明隆慶間建崇禎時吳隆敬兄弟重修清嘉慶十年吳家福高步蟾等募修羅溪名臨江祠李姓重建前志廟有四所一在嶺東即三皇祠

仰山行祠凡二邑東集賢坊并祀關帝奇剛後燬仍建小廟奉香火

孚惠祠治東下街順治間下八坊重建康熙己丑重修更報廟外左右店房安仁坊店基二間大井頭店基前後各二間康樂坊店基一間迎春亭左店基加豐店房三間嘉慶甲戌廟重修前後費並出下八坊

龍王廟凡二高車合鄉眾建道光拓修潛潭潭上奇石突出如馬騰四鄉建祠其上置田產奉祀禱雨多驗

東嶽南嶽祠白良上保敖用敬建

東嶽祠檣樹潭下街嘉慶辛未募建行祠在東岐山麓久頽聶興煥修道光乙

西邑眾募建移舊基下半里許

南嶽祠在北吹藜行祠在上漲冲宋建炎二年道人龍宗超禱衡嶽歸建道光丙午鄉眾募建重修

天符廟一名護國祠凡入治西元延祐間縣人監郭病疫應禱捐地建後燬明洪武三年文泰與重葺嘉靖四年燬復葺崇禎間坊人重修生員鮑保赤郭都城王仲連龍旭日陳鼎奇易前川周雍九等三十四人合置蔣家莊田九百六十把奉香火并建痘神宮王家坊大坪村裏源水口曹姓重修長江上馬腦山有產奉香火高村市明萬曆間二十四都紳士建道光元年合鄉重修均車鄉眾建北吹藜

江東廟祀秦石固布溪邑庠生高斗權子孫建行祠在靜安院左元至正間僧柏庭詣贛州請香火歸瓶此祠後燬明洪武三年吳雲重修清崇禎姓復葺故鄉祠在竹渡相傳祀白將軍嘉慶丙子重修

湯周廟在湯周山嘉定志云歲以蔬食享之湯周二仙祠在高城中街王開泰裔建水旱應禱

水府祠祀許真君在龍河門外譚姓修清乾隆辛亥譚姓助基陳鼎龍倡捐收拓有契約嘉慶間合邑修

濠洮祠祀許旌陽在江口龍江門北張劉二姓重修嘉慶壬申合邑改建龍江橋頭

白馬祠祀晉白馬將軍凡三縣北范塘楓樹坳羅城周姓三房重建皂山喻姓眾建

康樂古祠小水雙江橋側祀晉康樂伯陶回通志祠廟回食邑苦旱發廩賑濟民利其貺祠祀之名利貺勵此祠當是故州歲久失傳或乃歸之靈運今且易祀許真君故存其蹟於此

康樂祠祠龔封康樂公謝靈運凡三丁田康樂橋左元至正間僧片雲募邑人龍珣等建歐陽元書額清雍正十年知縣汪元采率士民建前後二進并兩旁

輔屋周牆皆磚以前令姚繼舜修橋人龍珣配巡撫謝布政使李知縣汪俱有額道光四年僧智和重修三十年修康樂橋首士後裔捐貲重修門樓及下棟

兩旁易以磚牆杉樹亭有謝康樂祠土人稱相公廟何良曾題五古有荒祠托

巖阿遺像祀山足之句地勢符合今從藝文補載八月日記
陶司空廟祀司空沔在陶家坊久廢參嘉定志

武烈祠祀隋將陳仁果在錦衣坊因遺像著靈祀之清乾隆庚辰眾姓重建下
棟置香火田有碑參嘉定志

二先生祠祀韓昌黎周濂溪在儒學側宋紹興元年建清康熙六十一年知縣
施昭庭改建龍江山右雍正四年知縣汪元米移明倫堂躍臺在成德齋舊基
省志作二賢祠

包公祠祀宋孝肅公拯九三鐵山界清雍正八年建乾隆庚子重修嘉慶間瀏
萬士民募建置產立吳楚界石楮樹潭墟場盧家洲下街

李旼祠俗稱爆竹廟係燄業集贊初建於株潭包公廟側月收釐毫補助育嬰
窮民實受其惠搗毀稍礮局案受累不少今之言提廟產者慎弗垂涎於此以
剝削地方窮民也

英烈祠祀宋康保裔凡三南浦坊邑西水口嘉慶庚午又都一畝建石溪扶仙
廟祀明嘉靖時郭姓眾建

晏公祠祀元文錦局堂長戊仔在多江明洪武十四年龍明遠建萬曆十六年
水北明遠孫高騰重修

龍龍山祠祀明長史鐔在明倫堂左乾隆庚辰知縣張立中倡邑人巢汝成聞
成忠辛汲辛試捐建龍山後裔羅乾等奉田一畝六分零供祀事有記咸豐五
年兵燬同治九年巢汝成聞成忠辛汲子孫以辛試後人力不能及另邀辛啟
先裔合建亂毀續建香火田一畝六分零應行清出以供祀事石堦後裔龍廢
言有碑銘國家造士基於學而瞻仰切於宮牆明祖肇興徵天下奇偉絕特之
材集於京師公年十九選入南宮時有國士之目高皇帝召對稱旨以國子生
簡按察使異數也既爲首府左長史靖難兵起抗節不屈蓋有得於聖賢之學
與袁忠毅後先爭烈者矣舊有祠堂在學宮之左民十九燬於亂議欲拆牆磚
以築礮堡族人之好義者勸阻之且願出貲以補礮堡磚費得以不拆因就舊
址而更新之拓展門牆界墩丈尺載義井譚命曰龍忠愍公祠堂而系之銘屬
首事者泐於石銘曰遭聖明而志於學有才乃以見德臨患難而行所學惟才
且以全節循步趨於門牆薦馨香而嚴對越先民是程啟告來哲

姚侯祠祀明邑令繼舜在治前屏牆外今廢有去思碑

畢公祠祀明邑令懋良在再思橋街西與姚侯祠對宇今惟廢址存

鄧公祠祀明都督子龍在劉陽界外公嶺下高村李姓捐建

康土廟九六盧家洲上街徧源三十把塗泉鮎形山名佑福祠上塗泉名塗溪祠嘉慶甲戌合鄉重修磔下道光丙申陳方蓮綿紱等倡建有田

便民倉廟在邑北石頭山上

儼神廟祀楊忠將軍歐陽晃凡八耕畚埽范塘沙江橋明初丁姓建清嘉慶間重修馬鞍嶺嘉慶三年熊姓募建道光二年復募拓修縣境儼神以馬鞍嶺爲最靈其住廟供奉香火及鄉間奉迎諸神禳災保病者俱俟熊姓人照應一切數十百年歷有修葺俱係熊姓出首募捐當春行儼凡戴大神及念香眷亦均熊姓爲之每到人家規矩嚴肅而神之最老者惟黑容威武大將軍一尊乃儼才文本宅奉祀之神歷有約據祖宗遺跡無他意也近年修造曾題一聯亟欲分注於下而一字都忘不到堂皇半月病少愈納涼彭某忽以銀花小供奉相曾曰此何來曰此先生題馬鞍嶺儼神祠聯也汝能記卽錄云金甲大將軍萬

載馳驅馬踏在銀花小供奉兩尊威武龍門來蓋儼神通稱歐陽金甲大將軍馬鞍嶺則廟所在地習慣年以正月初一始雖謂之出案定於十五日清晨至龍才文公祠凡得與祠祭者皆迎敬神以敬祖也神到人家率以銀花插神帽故云銀花供奉又十五佳節也咸豐初年曾由龍姓陪修一尊亦係黑容故云兩也祠中供奉後香花爆竹通宵達旦廟有唱作才公嗣裔悉在人先聯語錄後靜中時聞檀香問旁座聞否蓋儼神最著靈異時必先有檀香繞室意者其神乎敬謹書此石鼎龍才文公後裔廣言謹記 下羅道光三年湯竹軒裔重修同於九年湯昇雲等倡捐重修請樹潭上街河背古湯湯姓募建縣署旁萬壽宮內嘉慶間募建銅溪高姓建廖家嶺眾姓建真若壇祀唐十二真君在岱源舊立祠山頂爲祈禱所元季兵燹明正統三年李孟友等重建改爲壇

九龍祠祀許旌陽藏溪上水元末創建道光八年監生喻焯煌等募建十一年水圯十五年監生喻世湖職員彭光俊等募重建

陽林祠在遍源大保會內高元杰潘士呈等建

省城萬壽宮惠民門外襄州道光與子縣同人堂油號捐助地基首事劉利士等邀合縣士商倡捐并募同郡樂助創建殿前戲臺兩廡複閣後爲公所左右棧房背而馬頭合郡行旅便之

劉猛將軍廟二 城內福壽坊并祀財神三區朱溪橋

白鶴祠蓮溪橋頭合鄉眾建

雙忠廟城內武廟左側前志成爲江東廟謂秦石固行祠邑拔貢辛汝驥見其誥勅云是雙忠廟祀唐張巡許遠有題詠

蔚烈廟二十四都二首紫石搗祀文曲武曲

顯庸廟周家源馬蹄均祀魯班

康樂公園縣市郭家橋頭花園裡占地約十畝四圍有牆

大同公園大橋石角禹王宮久頽廢就遺址改闢

潭埠公園潭埠河濱 以上五起新編

死欲速朽吾聞之矣從古知名之士後人登其邱隴每不勝憑弔

感慨之思非獨柳下季隴之不敢近而樵采也舊志塋塚纍纍矣皆足以供人憑弔感慨者乎寒食紙錢清明麥飯子孫事也於志無與也翦除荆棘防護毀傷亦子孫事也於志無與也上下數百年間有殺身成仁忠無二上者矣有抨擊權奸流芳青史者矣有愛惜人材扶持善類者矣有慷慨赴義投荒不恤者矣有威武不屈內省無疚者矣甚至荷塞外之戈剩伊黎之塚亦庶幾不沒其實與且如一人之身見於選舉見於仕籍見於人物出而無忝官常且見其地之紀載卽鄉賢亦不終遺而何爲多占篇幅也如南平王廖孝子數十人者亦足供後人之憑弔而感慨也於彼於此或爭之焉

唐刺史應智瑱墓在奉新縣十七都應墓里俗稱應使君墓采名勝志補
刺史柳希玘墓縣西下坑大墓山見寓賢

孝子廖洪墓縣西森坑

南平王鍾傳墓在新建距小石頭十里隧前有八角井新建志

尚書陳節墓在宜春輦下舊屬萬載鄉新賢里錢田村見墓志

曾文迪墓縣北冠邱山下今名曾仙塘

白將軍墓縣東白塔山名氏未詳

五代前進士辛開宣墓治後龍山下

常侍徐鉉墓在新建西山鸞閣之陽

按鉉本傳胡仲容歸其葬於西山明一統志父延休翁錯稱三徐墓

通志引蘇欒城書及張天覺改葬事甚悉乃廣輿記舊志謂在萬
載清泉山蓋爲石刻徐將軍墓所誤

宋朝議大夫李觀墓縣西南雙坑口 觀宜春人棄官歸卒葬此 通志李

觀墓在府南龍會市

提舉蕭杞墓縣西北石版墩

劉長者昇陽墓縣北煙華花園後蛇形

按汪志載朝散大夫劉允迪墓又稱舊無考豫章書允迪玉山人
家居建義學教子弟鄉人不應有墓在萬舊說蓋因長者之父一
名允迪致悞辨見昇陽傳

元教授張千厓墓宜春陳家坊屋後塚形

縣尹歐陽朝墓縣西因果橋楸林下

教諭黃崑墓縣西奇岡羅帶形

中書敖仲實墓白良郭山腦

國子助教編修國史譚觀墓縣北涂口掛壁虎形

明進士朱秉恭墓縣南銀山村上也字穴

教諭朱隆墓縣西鈐田虎形

長史龍鐔墓縣東葛家窰易節表甘泉銘

知縣張世甯墓縣北喬居

參政龍儀墓石版墩龜形

教授黃彝墓銀山村也字穴

教諭伍常墓縣北岳裏煙竹塘船形

訓導王鏞墓縣西高城

訓導蕭韶墓縣西金星腦

教諭蕭傳墓金星腦

布政使易節墓烏溪關內

給事中劉蓋墓浙江嚴州府

御史鮑遇墓石版墩牛形

知縣易震墓麻埠木瓜林

同知張汝梅墓縣北湖上伏地虎形

知縣劉執中墓龍河門外劉公墓

老鼠嘴有碑

侍郎郭瑾墓竹渡卧牛肋形

教諭湯程墓縣西路寶

燕山飛蛾形

國子監博士郭瓊墓竹渡卧牛肋形

王府紀善朱良墓鈐田虎形

知府李瓊墓縣西湯坑張元禎銘

教授何英墓縣南月臺山

同知郭儀墓縣南城塘下

知縣龍時舉墓吹藜蛇形

知府彭澄墓縣北沙潭

知縣龍玠墓縣北地田真武坐增形 知縣辛節墓龍河渡

舉人辛磊墓縣南白沙嶺 同知龍士通墓竹渡卧牛肋形

知縣龍允中墓縣東土地背烏鴉潑地形 知縣張棗墓丁田神山

腦犬形 王府審理副張鎰墓沙潭象形 同知鮑士遠墓縣西

石上虎形 通判龍瑗墓竹渡土坳坑 大理少卿宋良佐墓縣南

郭村鋪勅葬 同知彭天補墓縣北廖巷 舉人辛明述墓涂泉

老虎窩 通判喻濟時墓縣北虎符環溪寺後猴形 知縣龍兆頓墓

縣西黃村虎形 知縣彭察墓縣北多江石岐山 知縣鄭邦德墓

多江石岐橋象形 知縣葉璽墓白良楊吉塘 知縣宋九儀墓

治後龍山右側 知府歐陽澄墓白水嶺也字穴 教諭聞應期墓

竹渡紐沖水口象形 按察副使張璧墓白良走馬寨龍形 教諭張

以宗墓丁田神山腦犬形 知縣辛圖猷墓周家市龜形舊志上方黃泥

塘虎形 通判喻子良墓皂山墓坑幾形 知縣喻子賢墓虎符橫坑

龍形 按察使彭白新墓縣西濠田衝霄鳳形 知縣龍應試墓路下

白石江龜形 知州辛敏道墓縣東鏡塘虎形 知縣龍起陽墓縣北燈

渡也字穴虎形 知州張良玠墓縣北雲峯嶺下虎形 教諭彭之龍

墓縣北戴公陵 知縣鮑紹湯墓初葬黃江虎形後遷橋上鏡鉢山蜈蚣形

知州辛聯魁墓縣東石獅仙人現掌形 儀賓劉朝忠墓縣北黃土嶺

虎形 舉人張廷柱墓縣北九龍潭 舉人喻子卿墓鐵爐背金麟吐

舌形 舉人喻懋敬墓縣北橫山江面嶺虎形 孝子龍以仁墓潭埠

龜形 副將彭簪古墓縣西牟村 舉人李棟墓廠址冲天木星形

贈員外郎易復亨墓縣西徐山有銘 贈右侍郎郭善慶墓竹渡卧

牛肋形 贈同知郭彥明墓宋家番穩渡 贈員外郎彭顯墓縣東九

子石 贈叅議張賢傑墓高田巨門土星形 封給事中宋頤墓高城

金鐘形 封知府彭竟成墓縣北九里坑飛鳳形 劉儀賓夫人朱氏

墓縣北天湖山西 邑訓導余昌祚墓縣西火天羅姓山昌祚進賢人崇禎

時卒官葬此其母葬石笱坑內山 清舉人朱繼種墓新昌三十七都新

田屋後望天獅形 舉人龍星墓縣西後塘蜈蚣形 教諭敖連墓黃田

江飛天蜈蚣形 舉人宋希陳墓沙潭螺形 教諭宋希賢墓饒田鳳

形 舉人巢廷魁墓丁田鳳形 舉人彭元升墓縣北岐山幹竹山

舉人辛聯昌墓石笱坑虎形 訓導揚言墓縣北王家山鳳形

知縣郭岡墓縣南鳳形 內閣中書張明德墓潭埠車田薄花形

教諭袁建中墓白良水口齋腦墓 舉人彭翔墓浩石仙人現掌形

舉人王嗣立墓縣南白洋湖江家冲蛇形 舉人黃鶴墓白良張公嶺下

七星堆 舉人辛顯墓演武亭後月形 守備李桃墓雲南沾益州麒麟

山 教諭辛廷芝墓縣東北石岐長窩裏 舉人王都毫墓縣東北長埔

驛亭左 知縣李榮陞墓高岡九頂山黃岡窩象形 舉人龍雲飛墓

縣西高嶺虎形 戶部主事辛文彬墓石笱坑鳳形 知縣龍鳳祥墓伊

舉 知縣郭開英墓縣南鳳形左翼 知縣孫馨祖墓長埔臘楓樹原

知縣袁廷鼈墓斐蕪湖家冲蝙蝠棲梁形 都司郭大賚墓樁樹潭滑

石江 知縣陳池鳳墓縣西高家嶺月形 守備王國華墓張家塢鐵

爐冲虎形 學正聞星杰墓竹渡團山龜形憚敬銘 守備郭如崧墓

四都桃樹窩 教授辛炳辰墓上高廣安一畝湖田新塘地龍形蔡之定銘

國子監助教辛紹業墓上高山棗渡郭家屋後祥雲捧月形翁方綱表

舉人鄧斯沂墓涂泉虎形 守備劉英墓縣西石子山飛蛾撲壁形

武進士易金鳳墓饒田箬坑鳳形 守備巢起岐墓縣西荷花塘獅形

吏部侍郎辛從益墓南吹藜喻家冲玉堂懸鏡形與夫人聞合塋

同知唐錫鐸墓梅源院上飛蝶形 知縣辛啟恭墓藍田官山莊

知縣辛朝俊墓縣西虎形 訓導汪元英墓縣北涂口

舉人辛係傳墓水口沙冲窩祥雲捧月形 舉人盧煜墓鐘家坊紫雲

捧月形 知縣郭大經墓縣東大栗岡金雞形 教諭陳鴻翥墓

縣西高家嶺月形 舉人辛萃墓城家莊右邊禾冲蘆葉垂珠形

舉人巢象彰墓涂泉釵形 戶部主事辛師雲墓吹藜玉堂懸鏡

形左山 訓導袁開慶墓白良張公嶺銀盆淘珠後

訓導李承烜墓白良水口下蟾兔拜月形 知縣周其修墓南關外

虎形 訓導喻炳墓本里新邑界倍陰山鱗形 教諭楊維峯墓

葬二十三都五畝小溪渡壺坪坑 教諭辛僕墓龍河渡陳家山上水蜈蚣形

舉人劉文毅墓東門外博皮虎形 舉人龍應飛墓后槎嶺仔上

守備楊清墓岐源掌形 千總楊廷獻墓岐源雞形

把總盧芬麟墓盧家石虎形 知縣周樹贊墓黃茅岡虎形

高村布安嶺西神龍形
勅贈文林郎李菁墓高村長梯劫虎形
勅贈文林郎李士連墓

高村布安嶺西神龍形
勅贈文林郎辛澤高墓石笏坑鐘形
勅贈文林郎辛金聲墓高城蒲花形

西塘頭漿蓮花吐蕊形
勅贈文林郎陳邦儀墓西高家嶺月形
勅贈文林郎陳能緯墓

勅贈通議大夫辛金澄墓楸樹潭朱嵐尖下蛇形淑人高氏墓在對岸宋
家冲寒犬戀窠形
誥贈資政大夫辛汝獻墓楸樹潭蛇形與龍

大夫入合墓
勅贈承德郎辛樹寶墓楸樹潭蛇形

勅贈文林郎辛炳昭墓上高山棗渡祥雲捧月形

勅贈武德騎尉劉景章景錫墓西石子山飛穢檉壁形

誥封武德騎尉劉挺元墓同上勅贈通議大夫辛又曾墓羊公嶺背

燕子伏窩形
勅贈文林郎唐光表墓梅源人形

誥贈奉政大夫唐廷鳳墓上高小江邊大壘虎形

勅贈文林郎郭德仁墓縣南屏山
勅封文林郎郭世華墓縣西

蘇溪虎形
勅贈朝議大夫辛基德墓楸樹潭楸樹下月形

誥贈朝議大夫辛錦斐墓藍田荷葉蓋金龜形

勅贈文林郎郭邦理墓縣北新塘山鱗形

勅贈文林郎郭吉墓禮山鮎塘坑蛇形

勅贈武德佐郎郭鍾秀墓縣南鳳形右翼

勅贈武德佐郎郭瀆墓鳳形左翼

勅贈奉直大夫盧毓音墓井坑貴人坐帳形

勅贈奉直大夫盧毓音墓井坑貴人坐帳形

馳贈奉政大夫盧文寶墓同上

馳封文林郎盧文宜墓上高下朋田麗珠形

馳贈修職郎辛紹顯墓上高山棗渡鄒家屋後祥雲捧月形

誥封奉政大夫盧文宇墓同上 馳贈修職郎辛紹良墓見山冬成

統勒馬朝天形 馳贈資政大夫胥元會墓上高羊頭塢斯原

馳贈文林郎辛樹貴墓楸樹潭蛇形

誥贈資政大夫辛樹人墓楸樹潭桐樹江獅子望樓形與胥大夫人同山

異塋 馳贈奉政大夫彭賢志墓小許祖敬腦

馳贈文林郎楊維鑽墓土嶺余水

馳贈修職郎楊應鳳墓上坪龜形

馳贈修職郎劉廷杰墓高車 晉贈儒林郎劉時耕墓湖潭燕行樓

樑形 馳贈徵仕郎聞之琪墓桃源虎形 晉贈宣武都尉楊承輝

墓岐源鳳形 馳封宣武都尉楊燭墓岐源掌形

馳贈武信騎尉盧廷鳳墓本里王家石月形

馳贈武信騎尉盧道元墓本里王家石月形

馳贈修職郎喻世振墓新邑九口裡洞前龍形

馳贈武信騎尉盧昆輓墓墩下墩

欽賜祭葬世襲雲騎尉浙江候補知府宋階明墓縣西宋家畚粟形

宋氏祖塋傍 誥授通奉大夫唐逢辰墓三區大埠頭綠豆園

邑知縣劉大成墓縣南郊 大成江南淮安人康熙中卒官葬此

海豐吳慶孕墓高城 慶孕爲前令自肅族叔朱益吾之亂與把總陳啟陳忠等鄉帶勇堵禦被害葬此

邑教諭陳學崙墓戴公陵道光辛丑卒官葬此

南郊義塚縣治南教場側明宏治間知縣張文度曠野築之約四十餘丈立棹楔題曰漏澤朱憲記 西郊義塚西關外半里許舊養濟院斜對

東郊義塚東關外半里許桐木陵

北郊義塚北關外半里許戴公

陵四處俱知縣張文度立

因心堂義山初捐處西郊地有界碑曰

久葬叢幾無餘隙道光甲午復買北郊普濟菴對面民地亦立界碑

楓樹下義塚縣西二十里空山一嶂七都一畝眾立

仙源義塚十六都四畝梨樹坳邑人蕭運顯倡立日久葬滿臨川職員王松筠

復買相連土山捐置

潭埠義山縣西四十里街背高古嶺逢垠直上山一嶂道光某年鮑子良後裔

鍾山震崙震科等買捐

墨斗山義塚十都三畝潭埠市背高古嶺潘姓捐立

牟村義塚十七都四畝辛樹瀛李繼盛宋維新等數十人捐立置產建見性堂

歲施棺有記

白水義塚四區本鄉歐陽春協歐陽梅歐陽鳳甘會煌四人捐置

高橋義塚縣西二十五里道光巳酉職員鮑鍾瑞契買捐置

官莊義山縣西三十里橫街背監生鮑承旭附生鮑琳等以祖業捐置

西門外義山荷花塘獅子腦道光戊申義山堂立

存心堂義山 東門外小嶺亭大路邊山一嶂首事劉堃易師重辛基瑋等置
有記

西支埠義塚 邑東北浴塘橋左康樂橋莊山捐助

回嶺義塚 十八都二畝張瀚立有案

西江橋義山 十八都二畝張澄捐置

雞毛坑義山 在白水一畝許龍瓚秀瓚陳鴻基黃中州羅益聯等捐置

九里坵義山 邑西大橋雍正十年馬天漢捐立

巖田義塚 六區周家源合鄉立

雙料義塚 同治三年邱維慶捐置

大坳義塚 六區黃家壩牛形崗山二嶂道光十七年職員王光里曾長輝置知

縣龔士範示碑 苦麥坳義塚 于上珍珠珍重南貴仙許毓球毓培李山玉

捐置 懶袒橋義山 邑西老山下同治八年陳大宜李文蔚等倡立山下附

建恤孤祠 虎腦山義塚 縣北七十里高村客籍耆會置有碑

打鼓腦兩處義山 橫布子義山 俱五區監生曾起麟捐置有案

黃茅韓家坑口義山 道光十六年黃開春後裔象賢等捐置有案

東江圓子岡義山 李克實捐 東江集山窩義山 李克實捐 株潭懶

形旁義山 眾姓捐建 株潭河背義山 眾姓捐建 以上四處新編

六十年來添置義塚不一其處而採訪弗及良用闕然十月日謹

注

寺觀猶廟也其產猶廟產也僧眾協力赴愬有佛教會出而維持

之則甚矣下情之可以上達也今之所謂款產保管委員會者方且經理有費常在有費開會有費收租賣穀率各有費一過手再過手層累疊出銷耗已半鄉間未嘗無一敢言之人借官力以壓殖之或設法以彌縫之烏知夫此項款產滴滴皆農民之汗血也於公有濟乎於學有益乎不可得而聞也卽委員亦必不敢自保也最可怪者木橋有會年須修理會款提去毀敗不堪情乎埋乎不覺言之深長矣

廣濟寺西門外錦衣坊原名紫霄觀許旌陽香火道士涂道創建宋政和三年改萬壽宮靖康元年更名廣報觀內有悟元樓明宣德五年道士涂隱真天順三年道士羅惟鑑各有修葺清康熙三十六年宋瑞洪與僧某改爲寺額曰廣

濟瑞洪助田三十把五十九年三元堂眾修上棟兩廊額曰西屏山助石版殿田資香火有碑嘉慶戊寅瑞洪子孫與僧重其上棟道光間僧佛圓募修 舊志觀有易方伯節樓匾郭侍郎瑾牙笏今不存

翠嵩寺北關外翠嵩亭後彭顯建有亭沼之勝張璧題聯竹懶偏宜水荷香不借風後易數主康熙中三元眾監生辛受中庠生朱文光等修整雍正三年眾復助香火田僧一麟徒慈惠募捐重修嘉慶丁丑僧喜林募修

開化寺西門外康熙庚辰僧鏡圓創冢置田畝雍正甲寅僧祥澄重修咸豐四年兵燬郭功澤倡捐重修左廂獨建

勝果寺舊作院在一區石鼓宋開寶二年僧東崑創元季兵燬明洪武四年僧爲宜清雍正癸丑一相先後重建嘉慶九年壽山拓修

高唐縣志
月光寺峯頂山巔嘉定志與後九峯統名峯頂院昔時馬祖道場也元至正間黃品卽其址立庵因名東庵天啟二年僧德心復修崇禎時鄧文輝立碑述呂真人詩初一風掃地十五日爲燈遂更今名清雍正乙卯僧佛性募眾重建乾隆三年智聖修四十九年其徒慈惠等復修上殿

九峯寺原名峯頂院舊作庵馬祖居山時嘗立東西北三塔北塔兵燬明成化甲午龍邪重建殿宇佛像更今名其西塔殿宇三間則成化癸巳舉人晏清建因塔旁井泉清冽遇旱應禱遂建殿爲鄉人所報所有詩

棋盤山寺紹江舊名淨慧庵古刹久廢庠生汪映暉重建并置產後遭回祿產亦蕩盡嘉慶壬申貢生郭樹芝建寺造像捐置田山付僧其茲住持 以上舊志惠濟寺嶺東康熙壬子建舊志名三元殿

興隆寺田北順治中龍姓捐建有田產

蟠龍寺二區上鑑冲洪塘坑康熙中里人鮑萊子子孫捐建有香火田道光庚子重修
橫源寺橋墩

雲隱寺卽西龍庵在小石笏乾隆二年僧雷隱建嘉慶間僧克茂重修

福泉寺柴山塘仔尾乾隆壬午僧若餘建

寶峯寺四都歐陽孟江建道光辛卯其子孫重修

天福寺谷源磔下南昌龔仲庚建捐有田嘉慶戊午燬辛酉僧懿德重建

萬壽寺銀山左嘉慶丙寅周泰興後裔重修助有田產

金繩寺仙居橋舊作院在源頭誤乾隆丁巳僧普遠續拓塲基獲石鼎上鑄永樂癸未僧永鼎立今尙存

高平縣志卷之二
圓善寺潭埠魚鱗灘上有山一窩兩嶂界住持種杉備修潭埠橋用倡首者歐陽榮成鄒元萬等乾隆庚戌因寺頽朽宋新甫僧僧脫塵募修能仁寺源頭舊志作院

高峯寺東坑上庵乾隆己卯王星元後裔重修

萬福寺東坑下庵嘉慶丙寅僧盛蓮重建

金蓮寺南北岸舊爲東堂寺久廢嘉慶乙亥合鄉募建更今名

東山寺白水舊志作院嘉慶己卯歐陽六房重修

遇龍山寺康熙辛丑僧念真創建并置香火田

法界寺圳上舊作院宋大中祥符時僧介庵開山元燬明洪武間僧秋澗重建再燬清乾隆間龍田眾姓募建

嵩林山寺嚴華康熙甲戌僧元靜建并置田

靜修寺茶坑舊志作庵康熙乙未竺裝寺僧恨贊創建

迴龍寺下石崑原名集雲庵康熙初僧力旋劍道光壬午伏龍山僧悟透承買

重建易今名 參舊志 陸雲寺白水乾隆三年鄉眾重建

碧雲寺白水嶺頂嘉慶辛未歐陽族眾建并葺茶亭

鐵林山寺株木橋鄉眾募建 中峯寺高洞

寶積寺廣洞株嶺冲 南覺寺浩石易劍和廷輝等捐建置有田

真空寺仙源院僧募建 長興寺五神嶺

福昌寺謝山仲初飛昇處因各嶺曰上昇舊有福昌院道士周與齡以仙蹟聞詔改靈應觀明宣德十年鄉人募觀宇清康熙丙寅新昌五峯寺僧昭睦佛喜

至山募緣重建裝塑佛像改觀為寺復福昌名白良敖昌六捐有田畝

鍾靈寺白良舊名三元殿明永樂二年袁李二姓創建清康熙元年邑庠袁秀

也李周士等倡修具名集賢庵庚寅袁維周李則修袁維漢李瑞吉率眾置香火

田增建下棟改今名左為興賢廟廟側即毓秀橋 舊志

長興寺水坑礮元至元十年僧樸庵開山明洪武三年僧春林重建長史龍鐔

嘗肄業於是清康熙中僧照賢重葺道光丙申僧學空募三七兩黃紳民捐修同

治二年寺圯五年九年兩黃送次捐貲重建

竹隱寺荷陂嶺廟背喻萬啟典七合建有香火田道光間募眾重建

法安寺布溪古名環溪寺宋時建明永樂二年修清康熙甲戌僧已靈募高劉

何甘四姓重修高劉捐有田地四姓又將百子燈眾銀買田資香火乾隆癸亥僧

道宏重修 參府志 大悲寺小澗宋時彭姓建元虞集有詩旁有牛草山

房 參府志 大智寺湖溪嘉定志作院康熙辛未李姓重建旁有清泉古楡

託根其中一木九幹輪囷離奇乾隆末移寺建楡陰 舊稱古柏今觀其樹實

柏葉松身 萬祝寺黃皮嶺北 長青寺小澗段姓建

伏虎寺漳源即引龍寺宋舜爵捐建 廻龍寺一漳源宋所建杭橋游德岡

建 福臨寺瀆溪李姓捐建 聚雲寺瀆溪李姓建

竹隱寺瀆溪 永興寺一瀆溪李子泰建黎源穀皮山麓

碧雲寺高村 紫雲寺東會乾隆二十八年修知縣翟暹額

光梵寺嚴田唐斷漆禪師開山洪武三年僧金山重修

清華寺白水泉一箇眾建 悞慎寺銀田嘉慶丁丑歐陽瑞山瑞懷重修

靜安院縣治東北一百步唐武德八年創後唐明宗時僧若水重建周顯德間
圮宋開寶四年僧從緣復建嘉定間南泉普庵禪師遊此有鍾銘明洪武初僧
曇雲重建成化間僧智性再修正德間宋一本母辛氏捐建觀音閣後廢清康
熙中寅殿傾像壞僧募重修雍正十年辛通改建山門乾隆間燬移佛像於關
帝廟後今與武廟互易咸豐五年佛像兵燬同治七年募修

莊嚴院小南門外四百步舊名新塘宋建炎四年僧覺義開山明洪武二年
僧雲外重建清乾隆間周文魁後裔捐修上棟郭漢臣募建下棟更名七寶山
畧移舊址 安德院泉陂宋開寶四年僧惟實開山元季遭兵燹明洪武四
年僧無言重建 寶豐院高田原名保豐宋大中祥符五年僧楚元創歷兵
火明洪武四年僧文隱修復成化六年真溪重建清順治戊戌海晏因廢基復

構嘉慶丙寅歐陽孟江偕僧永盛重修郭吉子孫建書院於旁

廣仁院黃江宋建炎元年僧正規開山明洪武三年僧行簡承兵燹後修建復
故遺址存 雲巖院瀾源頭明永樂間僧智有募建清雍正間智慧續建嘉

慶間慧遠募修邑人龍堯道捐建東廊 惠林院南源江唐咸亨三年僧妙應
創明洪武二年中峯重建正統十一年永照重修

廣巖院鐵山界府志訛作廣巖唐天寶二年僧如珉創明洪三年石隱重建

澄寂院山田坑唐太和五年僧停山開創明永樂辛丑智禱重建清康熙辛未

慶祚復修 保安院青埭通志缺青宇開寶二年僧介庵開山明洪武二年

無祿重建 三學院萬壽山唐貞元十年僧大智開山舊志誤貞觀辨見仙釋

院後燬明洪武三年草池募建 淨學院白楊山山水竹木迥非塵境古稱

袁州七佛地之一宋太宗時僧法順創院元大德五年僧文燦見重成宗敕賜
今名清乾隆丁丑住持福宗修毘盧閣復創塔中橋沖上後分爲二寺一曹洞
派庚子燬乙卯豈凡募建一臨濟派同燬壬午克彰復建 參白楊語錄

光梵院蘇溪宋宣和二年僧豈然開山明洪武二年曙林重建

明覺院雲峯嶺通志作萬壽山唐貞觀時創建清順治間洞宗德贖重修立
石塔水口道光二年上棟焚燬次年十九都督眾捐修 參通志

崇道院茵菓礪唐僧月仙創建久頽朽道光九年舉人歐陽彬等倡捐重修

普城院岐裏唐開元五年開山明嘉靖二十二年僧持茂募修後廢清康熙三
年僧喜以重建起樓閣於左貢生譚經國助修并建水口石橋後彭宗植移建虎
形山前捐有田 明寂院二雲芒山府志作靈王南唐保大十一年創上藍山

舊名上藍山院唐末僧令超居此宋大中祥符五年澄寂重建改今名明洪武
二年僧義堂復建 參嘉定志像章書

廣法院湖源宋天聖二年僧妙成創元末燬明洪武二年僧齊賢修復天啟
元年性覺募湖溪李大時重建

光化院嚴川唐斷際禪師開山明洪武三年僧金山重建通志作金宜禾詳
孰是

按此及已廢之延壽院崇信寺舊志俱載唐咸亨初年開山已於
仙釋條辨之通志仙釋內旣云斷際大中間示寂而此院仍沿咸
亨之訛亦宜更正

觀音庵三康樂橋左元至正間僧片雲募邑人龍珣建歐陽元書額天啟時邑

人辛敏道重修歲久傾頽雍正九年邑人重建大唐庵僧自修置中村田百把資香火道光十四年修康樂橋首士後裔重修 楊姑塘乾隆中郭山張有亮眾建中菱蕪下街萬壽宮側名觀音祠道光甲辰例貢彭才禮耆民黃日新等倡建道光十四年修橋首事後裔重修其香火山於道光三十年經首事後裔收管爲雇工燈油工食之資

附觀音堂三 九仙宮庚熙庚子廩生巢汝翼等就三元殿隙地建 皂山關

帝殿後 縣署內因華光祠改建咸豐五年兵燹同治八年修復

觀音閣谷源僧法朗建 東來庵建城坊東關外舊名觀音堂明萬厯間

邑舉人袁汝祝建後兵燹清康熙戊子僧曉雲偕邑庠張問達易觀國龍學勲龍韜等募坊米重修僧文賢靜秦陳贊牛息置產有碑乾隆辛巳袁賢七兄弟同僧

圓明更募重建咸豐年間漸圯又被土人侵蝕庵產會內後裔舉人潘紹岳等控縣請出契據於同治二年募化重修擇僧住持以會內租息爲香火資復舊觀焉普濟庵大北門外明萬厯間辛庚四建男僧常戒住持後辛貴德同僧興來募化重建清康熙癸亥僧勝學重修嘉慶辛未主事辛文彬奉藏伽什僧供養有記不二庵邑南門外明郭汝泰建 半雲庵西門外陳家山清順治中

龍偉儒儀三眾建嘉慶中重修 淨土庵龍河門外康熙六年僧募建乾隆間

燬嘉慶間邑人龍永叔裔先後捐修

祝恭庵邑北一里幽雅清靜松竹成林舊令各有詩匾

普惠庵洞口冲胡家塘郭汝泰建

大唐庵谷源創建莫放明天啟中江督袁繼成肄業於是題曰大唐古刹因名清

順治中僧慧照慧空重建

紫蓋山庵謝仲初修真處清順治中貢生袁端招僧覺中募建聞儀辛金壽等倡捐田畝

新庵禮山明崇禎庚辰辛聯開建捐置田山清順治戊戌開

子庠生助建飯堂修佛殿乾隆間開齋重建

靈鷲庵鶴峯卽大尖峯明時郭宏量建清康熙二年僧實勝重建

石林庵漕嶺清順治中僧超慧募建乾隆間歐陽周楊鄧四姓僧清蓮重修道光七年四姓僧復修

重慶庵小石笏卽鶴嶺郭大護建康熙

壬戌僧實洪重建乾隆間燬嘉慶二年克茂重建

綠水庵官莊小車康熙壬申僧允中建雍正十年僧聞修重建宋柏秀助基道光三年永鎮重修

翠竹庵大關嶺上龍炳若建并捐田山宋日暄辛五山郭鼎玉高殿瞻宋續漢等立茶亭捐有田畝

會龍庵張家塘舊有三元殿雍正癸丑僧一麟募眾重修後廢澄塘張朝子孫重建

覆盆庵五雲山康熙間僧拙林建 崇惠庵谷源嘉慶壬戌僧修來重修

興隆庵一谷源嘉慶三年僧普願重修一潭埠後街乾隆丙午募化重修

谷源庵原名胥家庵胥橋建繇大順大化撥產助

三元庵周家市李姓建 西龍庵小石笏乾隆二年僧雷隱創建嘉慶

中僧克茂重修

積慶庵谷源楊家湖舊名續靈乾隆丙申周喜重

修易今名捐有田畝

高輦東元 卷一之三
翠雲庵禮山辛胡龍三姓建嘉慶初僧善安重修

聖濟庵銀山半嶺王昭後裔重修

青雲庵南窰嘉慶庚辰鄉眾重修

翠龍庵嶺東

永泰庵濠田殿天啟間鄉耆丁汝泰同族

捐建僧修明募塑佛像三元像丁朝棟捐有田畝康熙十八年眾又重建三元殿

冷水庵獲富僧本善重建

永興庵株樹潭街後楊孟明建

興龍庵石塘乾隆元年龍仁山祠重建

鎮福庵嚴坪乾隆中歐陽

昇平祠重修

碧雲庵路下乾隆二年湯儒林捐建有田畝

迴龍庵坳下下庵龍尊五持齋奉佛攜產入庵內供有尊五粟主其產息火為

修整之資不足則龍才公祠量為補助新注

秀峯庵坳下

石庵牟村龍田之間舊傳有僧自然得道飛昇止存石屋前後二棟高二丈

三丈餘明天啟間僧圓空增置僧舍里人鍾孟七等倡置香火田畝

福嵩庵上排江康熙三十年僧自良創建

高唐庵箬埭陳新明譚自天建

僧自然募化重修

龍溪庵花橋鳳翔山康熙壬子石庵僧哲林募建

福聚庵廟坑康熙癸酉石庵僧自壽創建

避塵庵清水潭康熙丁

酉僧月輝重建置產

聚龍山庵磔頭康熙甲申謝山僧昭睦募建

紫雲庵潭華栗火冲舊志作力扶冲康熙甲戌邑庠宋希商捐山僧碧濤創建

道光戊申僧自明募化重建有碑

萬壽庵花橋菱塘冲雍正八年僧靈

慧買得并置田產嘉慶間修

西竺庵二清水潭楓樹冲楊五九

德四德七建捐有田山康熙中僧靜開月輝祇樹先後營其乾隆壬子五九等

後人重建白楊順治四年鄉人陳如昱建

福慧庵 筭坪黃埭塘陳文英子孫捐建有田產

清蓮庵 牛閣廠戴興族

眾捐建

龍慈山庵 陂冲戴興族眾捐建

白雲山庵 楓梓

嶺僧達培建

翠榮庵 郭山楊姑塘張錦族捐建

福壽庵 豬公井

西源庵 太平街康熙壬子僧知善募建乙卯燬

壬戌慧鑑移建距故基半里乾隆甲辰嘉慶庚辰求玉其茲相繼拓修

大東山庵 迎中邑庠生譚中倫捐建并田畝

如意庵 虎塘源頭

坑即西來山康熙壬午鮑萊子捐建址田山僧智善建乙未慧鑑重修何維烈

如及幼文共捐香火田雍正丁未嘉慶丙子僧斌吉崙山先後重修

華嚴庵 裏源僧許禪募建

紫雲庵 芳坑嶺邑人楊嘉和倡建并

監亭 懋行者 西竺庵 湖源康熙庚申僧不凡募潘福孫將牙建

海雲庵 白良敖奠華建後朽壞康熙辛丑其孫舉人璉妻袁氏重構雍正壬子

觀音堂 眾添新移豈爽塔地道光甲申赦有義後裔重建原助香火田二百把

朝陽山庵 牟村一名三官殿舊什村某買譚姓地創建道光壬午水毀僧慧照

移建高處 廣會山庵 南源坑僧息浪建喻禮也爾玉捐有田山嘉慶乙亥

僧雲峯重修 聚雲庵 虎塘源頭坑邑人何士英等捐建并置田道光乙酉

何涵宇後裔重建 碧雲庵 謝溪易聖傳捐建

石雲庵 收裏棋子嶺乾隆庚子僧智遠石豈創建

秀發庵 范塘水口富春橋側 萬壽庵 范塘東坑廖星建道光丁

未修有田產 白石庵 小溪坑嘉慶中僧慧龍改建

永興庵 上菱蕪劉家園 九華庵 皂山明通判喻濟時邑庠之望建

福隆庵皂山觀音堂後久廢明通判喻子良倡建舊志

剩沙庵高村涼坑卽福興庵乾隆癸卯李姓重修

西竹庵羅城墩卽西

竹禪林明代周靈禛建

紫雲庵藏溪喻草池建

護龍庵村塔

水口簡姓捐建

餘慶庵岐源水口楊特峯捐建

半山庵萬祝寺東

迴龍庵虛洲一名竹隱寺西爲妙悟精舍觀上

盧姓捐建

雨化庵虛洲盧慎凡建族人重修

螺蛳庵後槎鄉水

口平地突起石山高五丈餘儼若螺蛳木古雲封清溪水繞道光十八年鄉人捐
貲重建上下二進左有僧舍右有書院

九仙觀治東建城坊唐太和六年開創元道人黃竹關修真於此明正德間燬

道童鄒冲應募辛潤重建正殿增立石門彭澄書額宮內三清殿玉虛宮左三元

殿殿後觀音堂前石坊門外大塘一坵塘塍四圍園土俱觀內業觀後園土長

二十五丈廣二十丈建安福地廟右店房四榻并基土安仁坊大井頭右邊店

房四榻基土橫直二丈三尺殿宇久頽眾姓捐銀起息康熙庚寅重修嘉慶間

續修道光辛丑邑人鄧發選出金數百借借易朝宜易錦貞辛丑周鄧和慶張

秀彥鄧理保等捐募修造內外一新并置田五百八十五把

湯周觀湯周山晉湯周一仙修道之所宋乾德三年道士劉大邦改名紫微

觀奉二仙香火元至正庚子道士洪範重修仍名湯周

舊志邑南百五十步崇信寺唐斷際禪師開山後改庵慧寺

奇圃曜靈觀西晉道士楊昌言開山明洪武時建有混元經閣

獅巖大和觀西晉道士廖虛谷開山

五雷山逍遙觀唐道陳

若水關山 小溪源仙溪觀宋道士甘溪碧關山 清泉山延壽院

唐斷際禪師創 禮山淨性院宋僧理容創 青背下法會院明

上法界院禮山回興庵並宋僧介庵創 藍山小淨安院宋僧應夢

創 嶺東普薰院宋僧喜昭創 黃荆節瑞相院宋僧嗣學創

集賢坊圓明庵元尼慧慶創 半嶺上軒庵明龍泉宇建 龍江廣

濟庵辛瑋建崇禎九年邑令率屬募修 西關外祝聖院辛元輔建

紫蓋山後桃林院明鄉人重建 屏山下崇聖院明鄉人建 箬坑

海慧院僧別潤鼎建 義龍庵僧義明創建 東關外三元閣明按察

使彭自新創建 月臺山文昌宮邑令陶大邦建 喬居鎮龍院張紹

渠紹齡建今皆廢 嘉定志又有小薦福院在邑東二百步舊名

靈巖有清修院薦福院明真院在邑東鄉禪定院智覺院在邑南

鄉法喜院聖安院廣梵院顯甯院梵化院真如院崇聖院在邑西

鄉上法會院淨土院法雲院永慶院惠覺院寶林院在邑北鄉明

真院在邑東南鄉悟真院小延壽院在邑東北鄉無垢院樂安院

在邑西南鄉崇覺院定照院清修院龍隱院真空院護法院在邑

西北鄉今並廢

文明塔南門外三元殿側乾隆十七年監生易瓊等捐建教諭魯鴻記道光六

年易瓊子孫重修 參府志 來秀塔白良蚌山嘉慶十四年職員袁

建序邑庠袁帥亮李世勳教有義等捐贊倡鄉眾合建有記

螺蛳應作螺絲贗乃蚌字前志誤此注

...

...

...

...

...

...

...

...

...

...

...

